



菊池純編輯  
國史畧

二編 五

リ 5  
5085  
5 4




リ 5  
5085  
5



國史略二編卷之五

平安 菊池純



元和元年

元和元年乙卯春正月三日家康發京師次岡崎以聽大坂動  
息大坂湟塹皆深廣沙土不給秀忠乃命正純等毀西城樓櫓  
以填之於是鳩功九日秀忠入京師盡罷諸侯就國使安藤直  
次追及岡崎告功竣且告大坂有再舉之謀○初德川氏士有  
小幡景憲者得罪出亡仕前田氏玉造之戰先衆奮鬪大野治  
房望見奇之及和議成潛誘以厚利景憲佯應夜入見治房治  
房大喜咨以再舉之計景憲應答如響治長亦信之托以心膂  
約期遣歸景憲歸因板倉勝重松平定勝啓之秀忠秀忠與家

小幡勤  
兵衛佯  
應治房

國史略二編卷之五

五車

大坂益召募客兵

景憲笑語自如

家康還駿府秀忠還江戶

康議為不知者以候其動息大坂益召募客兵以間使招景憲勝重定勝謂之曰兩公再來諸軍復集不出五十日其間城兵或侵京師挾至尊以東鄉則恐費力也汝勗沮之景憲諾而往城中諸將有議出師者治房兄弟固執不聽信景憲之說也或說治房曰景憲謀賊也請驗問之治房驚發甲圍其舍景憲笑語自如治房召之即從一奴入治房曰人言果不可聽也乃置之界浦使時來見於是大坂事情畢露而秀賴未知之○二月十八日秀忠發京師二月十四日家康還駿府秀忠還江戶○織田侍從長益遜京師及卒遺命分其封予其子長政尚長各萬石○井伊直孝以兄直勝廢疾不勝事代攝其軍有功家康命領其國直孝辭曰直勝雖羸有先臣養士在每有君事臣復

直孝坐執政正信之上

攝焉今以庶孽先嫡長臣所不安也又因安藤直次力請家康嘉嘆而不許乃賜彥根十五萬石別賜安中<sup>上</sup>三萬石於直勝以自養○初直孝有故育於民間比十一歲有強盜數十入其家輒拔刀斫一人父直政密召見以常所執軍麾授之而卒及長召用為書院番頭稍進大番頭於是既拜命次日入謝徐進坐執政本多正信之上坐者洒然變色既罷謂正信曰今日之狀類不恭也然已承故侍從之後不能不然正信曰公唯能然所以有是命吾竊為天下慶之也○大坂異圖日急秀賴潛傳檄募兵曰大坂金城也去歲之役彼舉天下兵攻我而不能取是世所共知也今欲再舉以圖恢復有志之士宜來而輔我之不逮也於是四方士復稍聚○三月秀賴使青木一重及女監

大坂使  
青木一

重請販  
貸于駿  
府

京師相  
驚曰大  
夜兵來

大藏尼正榮如駿府且請曰兵荒後邑里凋殘無以祿群下請  
 販貸之時德川義直將娶淺野氏家康曰尾州婚期在近東國  
 女子不嫺禮節汝等幸往相之婚畢則吾自西上以計賑給之  
 事乃遣之尾張○大坂召募遠近得十五萬人上下大喜於是  
 大議戰備分軍為三大野治長領一軍七隊長及後藤基次隸  
 之大野治房領一軍長曾我部盛親森勝永仙石宗也隸之木  
 村重成領一軍真田幸村渡部尚明石守重隸之○於是警報  
 連至江戶曰募兵聚大坂者十四五萬兵勢什倍前役家康笑  
 曰多多益可敗終下令諸侯皆如前役先命井伊直孝藤堂高  
 虎率兵往護京師○是月京師相驚曰大坂兵來負擔四走或  
 入關門及公卿宅板倉氏僚屬請為兵備勝重曰置諸乃便服

勝重便  
服巡行

治房入  
大和燔  
法隆寺

巡行不異平日上下倚安焉而西上諸將亦至井伊直孝陣東  
 寺藤堂高虎陣定以護京師訛言竟止○中井積善曰板氏豈  
 哉凡京尹之職甚要且劇天下莫尚焉且也獨斷專任無同僚  
 可咨諏無上司可稟受當時又未有理官分其勞況於慶長初  
 年禍亂塵定人心危疑之際乎又況於慶元滔天之變近在咫  
 尺之地乎自非板氏絕群之才孰能當之世傳元和中勝重齒  
 高上狀乞骸骨官難其代優命弗名乃親往固請東照公召見  
 慰勞曰京尹重職孤未得其人卿其舉所知以自代對曰臣在  
 上國日久矣烏能鑒別關中人士然必以臣所知乎恐茂踰賤  
 息重宗東照公大悅即命周防守重宗代之果稱職民戴之如  
 父母仰之如鬼神大板尚寬簡小板發精敏皆因時制宜也  
 爾後居此職者往往極一時之選或至於自執政出領之而輿  
 論必以二板為稱首偉矣夫今日至治職員列置事不足  
 半古人而任歸闕閱用為當路之階梯則選亦復衰矣○夏  
 四月三日大野治房率兵入大和燔法隆寺侵掠郡山城將筒  
 井定慶棄守遁水野勝成進至長池聞郡山不守謂部下曰敵  
 若焚南都我耻也疾馳赴之治房不戰而退勝成追躡至法隆

國史略二編卷之五

五車妻卒

兵多則  
食之固  
其當

寺事成定慶及弟慶之恐罪自殺筒井氏亡○九日家康至尾  
 張召大冢使者曰吾聞右府復募兵兵多則食之固其當已吾  
 將觀兵京畿以問其罪因留使者不遣使常光氏於大冢諭之  
 曰弭兵徒大和七年則吾修大冢如故還予之淺井氏欲許之  
 秀賴作色曰弓馬之事非婦女子所議也秀忠以家康至尾張  
 之日發江戶少將忠輝與黑田長政加藤嘉明皆請而從家康  
 居尾張三日成義直婚又三日發尾張大冢諸將聞東師出會  
 議方略數日未決真田幸村進曰今日之事兩言決耳可戰也  
 不可守也獨有急襲京師挾天子以令天下而已七隊將士  
 乃說曰先奪伏水城大兵拒菟津斷湖橋連營滋賀辛崎以壯  
 軍聲則東師勢可沮也長曾我部盛親後藤基次皆贊之秀賴

今日之  
事兩言  
決耳可  
戰也不  
可守也

秀賴不  
聽命

軍之先  
後在地  
之遠近

弗聽七隊長更請曰城濠墮廢誠不可比前役此地三面帶水  
 而南接平野東軍之來必自南矣臣等率精兵直衝中堅其勝  
 敗天也議終決乃急繕守備柵于外城舊趾穿塹二尺以為固  
 十八日家康至京師常光氏來報秀賴不聽命又使後藤光次  
 往亦不答乃索畿內應大冢募者收其妻子降者宥之二十一  
 日秀忠至伏水明日来謁二條城家康欲以二十八日出師秀  
 忠以兵未全集請少蒞之家康曰此役當決於野戰野戰不用  
 多乃公以見兵先往汝合大衆繼之秀忠曰兒在此使大人先  
 世謂之何家康曰吾老矣不復可遭事必先衆一樂戰本多正  
 信侍側曰臣聞軍之先後在地之遠近太公在京郎君在伏水  
 其次已定矣太公甚無道理家康乃止召藤堂高虎諮攻城方

子言如  
出我口  
也

略高虎對曰。利於遠。不利於近。輕兵挑戰。其遠出擊之。則敗  
 血之餘。無復守志。家康撫掌曰。子言如出我口也。遂定諸軍所  
 鄉。○家康令石川忠總守高槻。池田利隆。池田忠雄守尼崎。其  
 餘山陽山陰將士。自神崎進南海。兵自和泉進。少將忠輝自大  
 和口先進。仙臺及大和。伊勢。美濃諸軍。隸之上杉景勝。次男山  
 護京師。二十三日。大野道見略近邑。縱火界浦。奪東軍據資會  
 東將九鬼守隆。向井忠隆等至。道見急收兵却。二十四日。先鋒  
 藤堂高虎自淀井。伊直孝自伏水。榑原康勝。本多忠朝自竹田  
 皆入河內。敵以支兵守沙堂。高虎夜掩取之。○水野日向守勝  
 成爲大和口先鋒。家康召勝成曰。我大和口先鋒。非汝母可者。  
 汝統大和將士。有不用命者。先斬。而後聞與直孝高虎相爲策

大野道  
見焚略  
界浦

母作一  
條槍故  
態

擡井戰

塙團右  
衛門戰  
死

直次爲  
僧改名  
鐵牛

應期其全勝。慎勿作一條槍故態。勝成感謝而出。○淺野長晟  
 以兵五千北赴和泉。至佐野。治房等誘紀伊土寇。使其後長  
 晟以兵二萬逆之。紀伊將龜田高經曰。平地之戰。寡者必敗。宜  
 退至擡井。蔽林塞蹊。而陣。長晟從之。明日黎明。治房先鋒塙直  
 次。岡部則經。谷輪重政等。爭先而進。高經以銃手要擊。傷則經。  
 紀伊將上田重安。與直次接槍。傷而交退。多胡某助左衛門射斃直  
 次。遂獲則經。重政。治房在貝塚。聞敗走。而紀伊土寇亦平。長晟  
 復進。○初直次仕加藤嘉明。屢有戰功。遂爲銃隊將。食祿千石。  
 關原之役。嘉明怒其違軍令。罵曰。如汝終身不可爲將帥者。直  
 次深啣之。遂棄祿亡命。後游事數君。皆不得志。去投妙心寺。爲  
 僧。師大龍和尚改名鐵牛。麻衣草屨。猶不脫一劍。化飯京中。京

君駕大龍我鐵牛

人莫弗憐而敬焉嘗與大龍赴一商家齋請鐵牛後至和尚怒責之曰與師會而後何也鐵牛不答徐布座具拜跪曰一鞭運到且休怒君駕大龍吾鐵牛和尚投塵尾感歎○德川賴宣生母曰阿萬其在駿河嘗聞塙直次驍勇之士落托流寓不能自活憫之每歲領其脂粉之資五百金之半給之常語人曰允將帥所寶重者不在名刀而在於名士故妾今欲獲名士以遺于郎君此妾所願粧資以養直次也直次有子度為僧曰雲居德望高乎一時直次死於大坂之役雲居索其遺骸厚葬之遂治任赴奧州蓋以有國主之聘也取路東山過濃州青野原有草賊七人來劫欲奪囊中物雲居從容應之曰不映腰纏得御公等窮幸矣舉囊付之而行盜等傾囊得七金各分其一猶尾而來欲并衣帶得之雲居於是拋錫曰甚哉公等之不悟也吾方外之人然無衣何以就途奪衣不若奪命也死等耳公等必欲得之請并身命取之端坐合掌不動賊惻然感悟相告語曰吾曹行劫有年矣未見舉止整暇如此是必高德之僧也各返其金羅拜道旁曰願削髮為弟子幸恕前過雲居乃起曰公等苟如此貧道亦不敢辭遂相從至松嶋瑞岩寺後皆修業各為一菴住僧

五月朔秀賴具旗鼓親按視南郊上茶臼山指揮三軍所嚮士

治長抑沮諸將

重成贈刀為訣 野戰勝 敗以眾 寡決

氣頗奮然治長矜持太甚以淺井氏命抑沮諸將軍議屢變長益父子出奔京師治長益專治長一夜過櫻門前有人刺之不中走治長卒追殺之且日檢尸治房部卒也城中莫不相猜防家康潛使人招重成重成不應其女兄夫猪飼某應城中召募創病歸鄉重成遺書及物訣之曰城中近狀無復足觀諸謀議皆決於母氏我輩所陳一切不聽天下永為家康之有可知矣己家康與僕有舊使板倉伊賀數招僕僕受先君命以屬嗣君而懷藏二心心所不安故雖無一所聊賴且因循在此特願速戰死復何言哉此刀僕所常佩服經數十戰未嘗蹉跌者今以贈公幸愛護之諸將皆以治長之故怏怏不樂皆如重成意○大坂諸隊長執前議欲迎東軍于南郊基次不可曰野戰勝敗

使西強  
東弱則  
歸東矣

令諸軍  
持三日  
糧

以衆寡決今以寡擊衆不若邀之險阻臣請以萬人扼國府嶺擊挫其先鋒先鋒既挫後軍必退吾因其變以制其勝至受大軍於曠野臣所不知也從之授基次兵一萬四千陣平野又遣薄田兼相渡邊尚繼之家康秀忠使人誘基次曰苟啓東兵則封以播磨基次拜謝曰今東西決戰使西強東弱則歸東矣今東強西弱去弱就強臣之所耻也雖然東肯之辱亦不可不報報以速死臣速死城亦速陷所以報也○五日家康發京師令諸軍持三日糧親命厨人以白粲五升紅魚腊一頭酒漿鹽豉一櫃自從駕肩輿而行舍星田河秀忠發伏水舍角南菊池純曰古今名將用兵胸有勝算一定而弗可易東照公圍大坂其勦誅殄滅之期預知不出三日故令持三日糧豐太閤圍小田原其盤根錯節之深預知非數十月則不易按故運二十萬石粟以時之其區畫軍事分毫不差自匪胸有成算一定弗可易

越中果  
先衆來

既從軍  
不祥其  
分

基次夜  
發失道

者安能細川忠興以輕舸抵務古津遂率數十騎馳至星田請如去歲之役留備薩摩今願得充行間家康嘉獎曰越中果先衆來以其兵寡使列本多正信隊水野勝成分其部下為二隊以堀直寄松倉重正為左右隊將分日迭進是日重正不告而進直寄怒召居民問捷路對曰龜背嶺最捷然昔物部守屋由此路取敗武人相傳以為不祥也直寄曰吾既從軍不祥固其分也且守屋以敗而死安知不我以勝而生祥之與不祥我且嘗試之遂麾衆而馳直至國分嶺重正後至嘆曰丹州偉略不可及也已而勝成引諸軍踵至少將忠輝猶陣南都逗撓不進蓋為孽人花井某所誤也○大坂軍議屢變是日聞東軍大至乃議戰後藤基次宣言曰敵已迫遂勒兵夜發失道至古市河



軍士恟懼基次曰此地據林臨水戰守皆便宜飲馬以待旦薄田兼相渡邊尚聞之皆往焉治長等議曰勢至此不可無應援乃遣木村重成軍推江真田幸村明石守重軍道明寺長曾我部盛親軍矢尾雅江以下亦皆河內地兵各萬餘人計邀擊東軍前鋒○水野勝成在嶺頭謂諸將曰炬火北來者至道明寺而滅是敵欲出我不意也乃嚴備以竦而馳使告之中軍直孝高虎亦赴中軍取節度家康曰事如我意○六日昧爽與秀忠俱發至平岡勝成遣直寄重正等赴道明寺遇基次于片山重正不利直寄進擊其橫重正反之兼相尚來救基次連戰未決陸奧美濃伊勢諸軍夾擊基次基次盡亡其兵以十一騎在山腹使使訣無相曰子勉之吾將死也乃復進伊達氏銃手菽又市射基次

事如我意

後藤基次走小倉

黑田長政為人豪強

殪之從者扶而退還至柏原河死○初基次仕黑田長政基次長子隱岐得罪奔攝津基次屢乞哀不釋基次恨之次子又市善擊鼓會祇園祠張散樂長政命又市擊鼓又市愧與優人伍謀之基次基次大恚曰隱岐不得赦今又辱汝如此事可知矣乃挈家走小倉仕細川氏長政大怒遣使細川忠興逐基次忠興不肯將用兵家康聞之制止兩家命忠興逐基次忠興不得已出基次以兵護送臨別謂基次曰吾憾愈深必將有事顧策安出基次對曰微君言臣固將獻愚計今以君之衆與黑田氏抗君必敗何者君之國小而彼之國大也然擒黑田公亦太易耳若果與彼戰君宜擇銃手五十人橫擊其前隊黑田公為人豪強每戰先衆而進掩而擊之擒之必矣既別忠興歎曰渠本

基次不  
忘揚故  
君之美

後藤隱  
岐捕二  
賊於庫  
中

不屑黑田氏而去而仍不忘揚故君之美也先是後藤隱岐奔攝津匿水津一日從一小奴入市會有二賊殺人走入酒庫中閉戶自拒吏不敢入隱岐謂吏曰欲生捕之耶吏曰殺之隱岐蹴戶跳入斬一人捕一人出附之吏而去路遇片桐且元且元嗟嘆問其名不應使人蹤之贈米酒受酒還米明日且元自來固問其名隱岐乃告之且元予金二百兩徙堺浦及大坂軍起從父在城中終死難家康嘉基次忠節特宥其子孫次子又市後仕細川氏○岡田橋曰余嘗按舊記長政嘗問其臣曰當今也長政默然則知長政之不憚基次久矣孝高將死謂長政曰汝有勝於我者亦有不如我者隨堅摧銳我不如汝任用才能得士卒歡心汝不如我嗚呼基次所以見遇於孝高不見遇於長政者其以此歟要之基次任俠抗直人也其倨傲不羈不守禮節或有之臨危苟免顏慕祿則斷無之也方黑田細川二氏生隙時若使黑田氏弱而細川氏強基次必不去此就彼亦

薄田兼  
相戰沒

譽田林  
戰

幸村大  
破陸奧  
軍

猶大夜之役矢不負西之弱而應東之強隱岐嘗受豐臣氏恩及事起與父俱殉難可謂不愧為基次之子矣○薄田兼相耻前役之敗力戰水野氏騎士河村新八縱而斃之本多松平丹羽氏縱左右翼大破治長兵獲井上利定大谷吉胤幸村聞急馳至尚使人迎而告之曰吾衆創殘子請承之幸村諾而進橫邀陸奧軍奧多善馬長騎戰壯士八百馬上發銃兼炬馳突所向無不摧破幸村諳知之乃引兵上譽田東阜擁林布陣令其兵曰皆脫胄委槍坐以俟我指麾陸奧軍稍近幸村令曰胄及相去數十步又令曰執槍又復令曰銃發勿動唯吾旄是視片倉景紹發銃而馳突銃烟方消槍入馬腹幸村大呼曰皆起奧軍潰而走幸村轉陣南阜收兵與尚更殿而退景紹追躡以中軍不繼乃止水野勝成馳使促伊達政宗曰公自進中

軍以備幸村橫擊則追其北不使隻騎返也。本多忠政亦促之。政宗以兵疲丸盡辭。勝成怒強之。使者三反。政宗親往固辭。政宗以少將忠輝為女婿。懼其逗撓。獲罪遣使者促之。忠輝逡巡戰罷始達國分。一柳直盛亦在越後部下。請追躡償功。皆弗聽。○河内口先鋒藤堂高虎自千塚内南赴道明寺。其二族將高刑。藤堂仁良勝。藤堂新七郎。先進渡邊了。自為斥候。還報曰。此地沮洳。請由別路。乃馳傳令高刑良勝不顧而進。盛親上矢尾堤。望藤堂氏旗乃退。伏堤下令曰。不矣。吾令敢起者斬高刑等以為走也。亂次上堤。則盛親大呼起。兵鋒甚銳。擊走之。重成游兵亦來援。遂斬高刑良勝。盛親愈進了等力戰。收兵據高阜。馳使促高虎。高虎怒其不救。二將不肯。○井伊直孝與木村重成戰于

矢尾堤戰

若江堤戰 蒼原助 右衛門

曹纓無 餘頭髮 有香

若江堤前軍挫衄。重成揮槍挺進所向皆靡。○井伊氏將長坂某曰。先得堤者勝。督銃隊奪堤據之。槍隊欲進。老臣蒼原某曰。勿亟用槍。亟用槍則敵近而勢竭。衆冒進不利。敵爭蹙之。蒼原乃麾而進。○菊池純曰。長坂與蒼原皆老乎兵。熟乎戰者。故雖以舌擊敵者。自有天淵之別。○山口重政失封家居。欲以功自償。乃與其子重信弘隆變服間行。私隸井伊氏軍。於是重政與次子弘隆奮戰被創。長子重信深入殪二人。進與重成鬪而死。重成兵死傷略盡。乃據隴而息。直孝麾下繼進。蒼原某刺殪重成。安藤某取其首。重成。年二十三。獻之家康。家康檢之。曹纓無餘。而頭髮有香。家康嘆惜曰。是預決死也。直孝乘勝逐北。斬首虜數百。重政因得復舊封。井伊氏兵追北里餘。其游兵見盛親幟。橫追之。渡邊了縱

盛次不名而死

三處道明寺若江天尾也

騎乘之盛親敗走。斬獲不算。進抵平野川。橋上有錦袍將。按轡橫槊。藤堂氏士礮行尚。進問姓名。不答。舉槍接戰。不決。捨兵相搏。幾見獲。會其屬來佐。乃馘之。褫衣甲以檢。不可知。而止。後以其佩刀驗之。知其為增田盛次。盛次長盛子也。嘗仕尾張。前役從東軍。東軍勝則憂。敗則喜。是役入城。屬盛親。以父在謫所。不名而死。盛親敗。還。盛親之出也。步騎五千。及還。僅餘數騎。三處之軍皆敗。將帥多死。城中失色。渡邊了進扼平野橋。復使人促高虎曰。合兵尾擊道明寺。敵可殲也。高虎罵曰。斯奴不死於死處。今何噍噍。乃爾。歸師勿過。宜速收兵。會有一監使至。了迎而言曰。盛親雖遁。幸村等將至。要擊鑿之。則大坂之陷。不出今夜。使之入城。則明日之戰。又將費力焉。臣策之。至熟。如和泉守弗

我有怯夫多喪我良掃部君有褒詞我輩不徒勞

明日吾有尺前無寸卻

聽何。監使然之。往說高虎。高虎不答。既而歸師。果至。了邀擊走之。以日已暮。高虎益促了收兵。了遂縱火而退。後直孝赴高虎營。賀戰捷。高虎曰。我有怯夫多喪我良。是為憾耳。直孝曰。僕自若江赴天尾。見貴部一將。樹席幟。追敵指揮甚可觀。斯人亦死否。高虎嘿然。了免胄進曰。所謂席幟。即臣也。因呼其屬兵曰。掃部君有褒詞。我輩不徒勞也。由是臣主益不相善。及事平。了致仕。隱近江坂本。削髮號誰菴。○柳原康勝與松平康重。小笠原秀政等。至菅江。內河與敵將木村宗明遇。宗明死戰。康勝患瘍。膿流至。鎧氣不為撓。奮戰破之。與小笠原秀政等進赴若江。監軍藤田信吉扼之曰。敵諳地理。恐有伏。乃止。秀政亦恨為監軍所誤。出雲守本多忠朝其戚屬也。秀政夜往見之曰。明日吾有尺

無寸卻

前無寸卻。忠朝曰：子言先獲我心，吾亦矢不聞收螺矣。純曰：大

阪之役，為監軍誤軍機者。前有城昌茂，以致池田氏逗撓。今又有藤田信吉，以沮小笠原氏戰期，遂至令虎臣饒於狗鼠。何其

監軍誤人之一至於此乎。其廢放而罷黜之固其宜也。斬徇之軍中亦誰有議之者。○初，忠朝在大阪病

其營處多沮澤，請易之家康曰：乃父為戰，未嘗問險易。若何不

肖焉。忠朝慙恨，以故終與秀政約死。○少將忠直尚弱，其老本

多成重等相之陣，四條啜內河在井伊氏後，持重不逮。事日已暮，

家康次千塚，秀忠次道明寺，忠輝、忠直皆以逗留失旨。本多成

重以忠直命來稟曰：明日之戰，越前兵何陣。家康罵曰：隋夫，晏

起不逮事，尚何言哉。成重等皆惴恐還報曰：君努力。忠直乃徇

情夫晏起不逮事我不先登則先死怖死去者自此

曰：今日期會皆失，各自為戰，所以不得志。明日諸軍合力一戰。

可以決雌雄也。幸村曰：善。乃啓秀賴曰：明石掃部屯船場而敵

兵未迫也。明日臣請與諸將軍茶臼山以誘南面敵，掃部從今

宮林徑出敵背，舉烟為號，與臣腹背夾擊之。而主公以中軍繼

之，或可以僥倖矣。秀賴從之。○七日黎明，家康部署諸將：前田

利光為右先鋒，本多康俊、本多康紀與遠藤、片桐、石川、蒔田等

在其右。少將忠直為左先鋒，本多忠朝、小笠原秀政與秋田、六

鄉、淺野、丹羽、仙石等在其右。秀忠親將右軍，水野忠清、青山忠

俊、松平定經以書院番頭，高木正成、阿部正次、內藤清次以大

番頭並在其前。家康親將左軍，本多正純、板倉重昌等衛之。井

伊直孝、藤堂高虎與細川忠興在右軍之左。處分既定，遣偵騎

部署諸將前田利光為右先鋒少將忠直為左先鋒

見聚落如常所無者皆軍隊

見聚落如常所無者或以為曉霧及日出視之則皆軍隊也乃大駭馳還告急乃傳令諸將真田幸村與渡邊尚大谷吉之等出陣茶臼山森勝永竹田永應陣天王寺南郡良列執桐號牙旗在其後治長與七隊長陣毘沙門池南治房與御宿政友陣岡山津川左近執金瓢馬表在其後而秀賴親將繼之鎧仗旌旗皆極嚴整城兵悉銳而出秀忠候騎來白於左軍曰大兵出矣請速進旆家康叱曰敵空城而出不過七萬何謂大兵乎及住吉乃舍輿穿鞵左右進鎧弁之曰誅奴輩何以鎧為紵衣黃襦而上馬其騎與前軍輜重相亂不可禁顧命橫田尹松尹松進呼曰騎左重右道闢而行義直賴宣在後軍家康使人傳令曰速進兵戰將作也已而右軍傳呼將軍至矣長政嘉明出謁

紵衣黃襦說文襦短衣也

正信持蓆衣持扇拂蠅重於常而輕於變德川氏之癖

道傍秀忠甲而不胄單騎從二十餘卒巡師見二人立馬揖之二人進執其銜曰敵復大出是自貽死也幕下之事無不如意也秀忠頷而過本多正信從焉胄而不甲坐筭輿持蓆衣持團扇拂蠅而過長政目送嘆曰何不類平日威嚴也嘉明曰重於常而輕於變德川氏之癖長政曰可謂佳癖矣○菊池純曰昔邑大兵於昆陽諸將曰劉將軍平生見小敵怯今見大敵勇甚可怪也予今見台德公重於常而輕於變亦劉秀之類耳此不獨德川氏之癖古今英雄率皆有此佳癖矣其唯有此佳癖而後可以強三軍人意也○家康召候騎問敵狀對曰其陣甚堅又待秀賴親出頗有鬪志乃命質子大野治德作書贈其父治長治長時巡軍至茶臼山幸村謂之曰天下之事決於今日公宜促主公出主公出則軍氣自倍治長諾而反城則秀賴已在櫻門環緋甲穿錦袍千槍十旗左右成列

而反城則秀賴已在櫻門環緋甲穿錦袍千槍十旗左右成列

治德贈  
書治長  
懼治長危

幸村訣  
其子幸  
昌

入閻羅  
應

鞍于馬以候幸村之報將士踴躍俄而治德書至曰聞城中有  
 約內應者欲候右府出舉事謹勿出治長危懼止秀賴而又往  
 欲與幸村議東軍左先鋒已來逼勝永等以鉞手相挑幸村止  
 之登阜而望曰中軍何不來也因召其子幸昌助大曰吾族多在  
 東治長其疑我乎我當死於此汝往侍右府以明吾無貳心幸  
 昌時年十六請止俱死幸村叱曰汝而死誰明我志盍殉右府  
 乎幸昌攬涕而去東兵益逼而中軍卒不至幸村謂大谷吉之  
 曰事皆睽矣是我死日已乃使森勝永當忠朝自麾兵擊越師  
 越師殊死戰軍吏報之中軍忠直曰吾自此直入閻羅廳也因  
 呼殮立而食之食畢而曹謂左右曰我既食矣必不墮餓鬼道  
 騎而直前軍聞而從之○菊池純曰越前少將少壯氣銳激於  
 情夫晏起之言期以必死已曰入閻羅

幸村戰  
死

廳又曰不墮餓鬼道殺氣勃勃使人發易水壯士之慨匪此則  
 不足破真田氏堅陣而奏首功也匪此則不克植幟城上以爲  
 第一先登也抑是役雖由兩將軍英略與諸將帥戰鬪之勞且  
 勤以獲無前大捷然亦越師陷摧之功有不容掩者也而賞弗  
 酌功快快不樂卒以忠直弟忠昌躬自健闘斬二人本多成重  
 與吉田理修荻田馬主左右縱擊幸村馳騁督衆手自刺擊者數疲  
 虜憇樹下西尾久作進擊殪之幸村年  
四十六餘衆敗績忠直逐北至  
 安井斬首三千六百級○菊池純曰人皆稱真田幸村用兵神  
 出鬼沒喜行奇計有彷彿補公者予以  
 謂不獨用兵一事其出處事行亦酷肖楠氏楠公有正行能紹  
 父之志幸村有幸昌能守其訓戒其櫻井驛與茶臼山父子飲  
 泣攬涕訣別彼則履十一此則甫十六楠氏之與真田氏忠臣  
 孝子悉聚一門一則與南朝終始一則與豐臣氏偕亡奚其二  
 氏相似類之甚哉夫真田氏而一日存焉大段命脈亦可延  
 一日也猶楠氏而不亡則南朝正統可以維持一隅也而令其  
 變與後藤薄田諸客將相比肩弗能大展其力猶楠公與名和  
 結城輩同席而不甚顯其恢復之無成奚足怪哉嚮使大段悉  
 用幸村之策速入京師挾補天子號令諸侯令七隊將士先據  
 伏水城拒荻津斷湖橋連營滋賀辛崎以壯軍聲則大事或可

尺路二編卷之五

卅四

五車樓梓

集也。惜哉其所畫策者相抵牾不行舉父子之肝腦悉膏諸鋒鏑與豐臣氏俱傷皆亡可勝慨哉吾嘗數游攝播諸州徑過所謂櫻井驛詠懷捕公訣子古蹟既而又登茶臼山探討幸村戰沒舊跡悉為荒烟野草廢墟斷碣之地問之父老莫知其詳者過而覽者未嘗不為之躊躇而悽愴也抑捕氏父子殞命勤王暴骨原野者獲明主碩儒手筆大書豐碑留之不朽廟食百世獨至下彷彿捕氏者絕無一人薦蘆藻吊英靈者徒為芻牧場豈非以亡國之敗將吠克之桀狗邪後之吊古士誰其奮筆發揮幽光於無窮者

忠直曰臣無善馬君猶記舊情則願賜一快馬以戰死忠直壯之擇駿予之於是政友騎至幸村營則戰已酣矣曰何地非死所越前守御宿勤兵衛後

所躍馬冒陣而死本多忠朝與森勝永戰忠朝見其軍卻乘愛馬百里馳且呼曰出雲守在此盍反戰敵聞之四集忠朝執槍殪二人一人以鉞迫之射洞其腹忠朝跳而下馬拔刀斬鉞者其圍進鐵櫓乃左奮擣右揮刀又殪八人身亦被二十餘創踰

忠朝戰死何處非死所

澁多見  
安積覺  
縫殿  
兵衛

面白者  
敵兵

溝而僵敵爭其首從騎大屋某伏尸上扞敵而死小笠原秀政擊竹田永應于天王寺東門走之躬自力戰終死之長子忠修死於擗槍下少子忠真被創欲死其臣澁多見某安積某扶而還○菊池純曰秀政嘗見忠朝矢曰明日有尺前無寸卻忠朝亦曰吾不聞收螺矣至此皆履息壤之言可謂壯士矣後忠真累封于小倉十五萬石忠修子長次封中津前豐八萬石明石守重以驍騎三百自川場赴約途遇水野勝成奮戰而死○東軍右先鋒前田利光與大野治房戰岡山不克東軍頗沮城兵乘勢而進藤堂高虎并伊直孝來救短兵接戰僵尸相枕治房敗走纔脫入城時兩軍酣戰埃塵大起彼此紛拏幾不可辨阿部正次以為東兵冒暑遠來面目皆黑城兵則否乃令曰面白者敵兵也因物色斬數十級諸隊相傳劬之斬獲無算會有

國史略二編卷之五

廿五

五庫樓



石川重之號丈山

送兵犯秀忠麾下秀忠命左右斬之家康麾下亦相驚擾家康騎而巡軍軍乃定○石川重之在家康麾下潛出戰于玉造門獲甲首而還及事平重之獨以其違令也賞不及焉重之自號丈山參河人父曰信定其先出於源義家第五子石川義時義時後十五世曰信貞信貞生信治為德川氏臣信治子曰正信從家康死長湫之役其子信定生三子長為重之重之少時豪放不羈父信定奇之語人曰之兒後當為天下所著稱否則為惡漢耳重之年十六遭父喪家康召為麾下士後列近臣重之恪勤弗懈家康愛之常侍其左右慶長十二年冬從在駿府適府城火延及後閨時賴房幼在襁褓乳母抱之逃躄躄鷹架側重之聞悲泣之聲趨出自抱賴房攜乳母灌衣被之因得免家

重之少時豪放不羈

重之母遺書

重之棄官隱京師

彼得武門冥助

康聞之大悅後賴房封于水戶德重之欲召用之重之夙有退隱之志固辭弗就大阪夏役重之從至京師病疫家康憫之命侍醫治之未驗適其母自江戶遺書曰汝家世蒙國恩若是役無功何面目再見母重之疾方篤使人讀其書聽之流涕無言五月五日家康發二條城重之聞之力疾輿從焉家康過東寺望見怪之使人就覩之則重之也家康驚曰聞彼病殆死何以至此也是夜家康舍星田召重之慰勞謂左右曰彼得武門冥助矣因語重之父祖戰功明日至大阪初重之之在駿河與清見寺僧說心友善及赴大阪謂說心曰師若聞是役親兵中有獲首級者則其一人必吾也果如其言軍平重之棄官隱京師以文籍自娛與林信勝菅玄同等結交重之素信禪教信勝勸

史略二編卷之五

十五

五車樓

重之見藤原肅重之見肅大悅盡棄其學而學焉專修洙泗之道所司代板倉重宗重其為人厚遇之重宗薦之淺野長晟重之以母老應其招如安藝長晟遇之以賓禮居數歲母以病卒服闋乃辭去築堂叡山麓一乘寺村居焉嘗選漢晉至唐宋善詩者三十六人令畫工狩野守信寫其像自錄各人詩一首并以揭楣間號曰詩僊堂蓋倣三十六歌仙云後水尾天皇屢徵之辭以倭歌以陳其志天皇益高其操曰恬退如此朕豈可奪乎從是不復徵後光明天皇聞重之善隸書詔索之賜以酒魚一時盛推其風韻後以壽終重之不置妻妾又無嗣子而緇徒相承守其舊居歲時祭薦至今不廢又藏其遺物其竹如意木崑崙明陳眉公古琴等尤其所愛重云○菊池純曰古

詩仙堂

陳眉公  
古琴

立獨行不事王公高尚其事者世不乏其人西漢時有高山四皓雖以寬仁之高帝不克屈致之於左右也東漢時有嚴子陵雖以才明之光武至令客星犯御坐也其他陶潛林逋陳搏之徒前後輩出各以高風清節自尚舉世嘖嘖推以為一代高士其默補風教翼贊王化豈可謂小哉雖然其人皆山澤之癯儒未嘗一臨矢石戎陣間故其所誇詡者匪加足於帝腹則不屈腰於鄉里小兒耳俾其臨戎馬間其舉旗斬將之功我不知其何如也獨丈山氏當阪城鏖戰矢石兩注之時單身直入揮槍健鬪斬獲殺傷以秦膚功非勇冠於三軍者安能得如斯哉既而覺功名難居而富貴不容負勇退高蹈潛跡山林寄身桑麻以文墨自娛泥塗視軒冕蟬川一詠以陳其志自非高風清節之士安能得至於斯哉求諸漢唐以下不多見其匹蓋以陶彭澤之韻蕪樊舞陽之勇者我故於丈山氏

○時日已過午家康使人入城議和曰徙封大和弭兵淺井氏乃使秀賴召還治長及速水守久二人旋旗入城諸軍望見相驚擾曰城中有變也東軍乃齊進城兵大潰諸軍追亡薄城斬首一萬五千級家康進上茶臼山秀忠進上岡山途見一騎軍向丘而騁家康謂

諸軍驚擾曰城中  
有變

左右曰彼騎主客何如左右無以答植村家政進曰臣請往候  
 之行已遠其族主膳望見還啓曰非敵也曰女何以知之對曰  
 家政將馳耳語於臣曰果敵與矣我還報而備之晚矣我當直  
 前死之子視我馬首卜之今家政行已遠臣是以知其非敵也  
 家康嘉嘆曰出羽可謂壯而慧矣秀賴在櫻門據胡床迎見治  
 長守久幸昌亦至叙幸村遺命語未畢潰兵大至秀賴將出戰  
 決死守久止之曰潰兵填路不可出戰請嬰城固守力窮而死  
 為未晚也秀賴從之乃入坐于千席院○少將忠直進至川場  
 縱火市舍城中有為內應者焚大野治長第忠直遂自高麗橋  
 破京口門而入植幟城上是為先登第一吉田修理轉自天滿  
 濟溺死○大阪庖人大隅某謀反縱火于庖延及殿宇城兵大

出羽可謂壯而慧也

千席院

忠直先登第一

擾諸門皆破郡良列津川左近擊馬表牙旗至千席院駢跪誓  
 首而言曰臣等當死於城外顧所掌表幟先君所以傳於主公  
 五畿七道四海之外苟有目者無不覩而識之委之敵人傳觀  
 將貽羞萬世矣故謹奉還耳良列因脫其母衣置之床上曰是  
 先君之賜今而致之吾事畢矣遂剖腹死其子兵藏又死隊將  
 真野宗信中嶋氏種相繼自殺野野村吉安將入內城火熾不  
 可前乃自殺於二城橋上堀田正高纔得歸策手及妻子而出  
 遇加賀兵全入乃健闘而死水野勝成繼忠直而入忠直分兵  
 焚諸樓櫓烟焰衝天諸軍齊呼皆破門而入秀賴奉淺井氏將  
 自殺于天主閣守久止之乃避火于觀月樓淺井氏及夫人德  
 川氏以下皆從之烟焰隨至治長徒之園莊倉中與守久勝永

郡良列津川左近奉還表旗自殺

秀賴避火于觀月樓

國史二編卷之五

十一

五車樓

共護之兵士皆散從者唯親臣諸姬三十餘人而已初樓上避  
火也淺井氏膝夫人德川氏袂而坐治長因侍女啓曰事已逼  
矣請使君夫人出城幸為君子母地淺井氏乃從之使諸姬侍  
擁而出蒙葵章衣窘步亂兵中城將堀内氏久覩之進當其前  
避人而出呼東將板崎成正護送之治長又遣其宰米村某權  
衛門日本外史米村追及因本多正信言其意正信即如茶臼  
作木村今從逸史

孟與乃夫俱死

山啓家康家康喜曰孫女親來乎吾且遂免其夫與姑也又至  
岡山啓之秀忠叱曰不須多言盍與乃夫俱死○中井積善曰  
志多謂臨難苟免夫節之大者然其所記載又各不同蓋顯沛  
中一時所睹聞宜矣其致紛紜乎唯有友山叟据米權老來所  
見說之實以辨世之妄傳鑿鑿乎可徵矣故余采而錄之或曰  
父老談有之曰自夫人氏之合番也孺子絕不相見淀氏亦不  
以婦視之乃名婚而實幽矣果爾則其係逃難亦未足深罪焉  
矧不與然乎曰薄乎云爾夫皆之名公也幽之實私也公可以捨

吾復捷矣

吾復有十四歲乎  
小出三尹  
曰臣不  
忍視

私私焉得廢公哉抑茶丘之命也慈  
矣岡山之語也正矣皆大人之言也  
○家康據胡床望見火起  
左右有更關原之事者乃顧謂之曰吾復捷矣已而秀忠來賀  
家康曰勝算如意其亟還本營以戒不虞忠直來見乃執其手  
曰可謂廼公孫也忠輝見焉不顧左右白之顧叱曰怯性遲緩  
何顏欲相見乎義直賴宣在後軍見諸軍輜重陸續屬途賴宣  
曰是軍旣捷將舍也己而天主烟舉賴宣咄嗟而進義直從之  
至茶臼山諸將賀者大聚賴宣攬涕曰大人使兒在後軍使不  
及事松平正紹曰君十四歲矣前途修遠不患不建功賴宣厲  
聲曰吾復有十四歲乎家康曰女此言足以當首功也諸將爭  
赴牙營賀戰捷小出三尹秀賴故傳秀正子也時侍家康側家  
康指城中火謂之曰如何三尹一瞥俛首曰臣不忍視衆為危

國朝二編卷之五

卅

五車樓

秀賴入  
備倉中

之家康徐曰。卿豐臣氏舊故。非他人可比。宜乎有斯言也。豐臣氏舊臣在坐者。僉有愧色。○秀賴遂入備倉中。益發使乞命。而日已暮。秀忠遣井伊直孝。及安藤重信。石川正次等守備倉。以疾命。是日池田利隆發。尼崎路望大坂。烟乃馳濟神崎。要擊敗兵。多得首級。石川忠總與京極忠高。忠知發高槻。與仙石宗也。戰于備前。嶋破之。毛利秀元及加藤明成。嘉明子。稱式部少輔。以水軍至傳法港口。松平乘壽自森口。金森可重自岸和田至。皆獲首級。淺野氏蜂須賀氏。最後至。其他遠地侯伯。不逮事者。以戰速決。亦無後期之責也。○八日。家康遣本多正純。及加加爪直澄。命治長上倉中名簿。且言曰。事已至此。無復可言。太閤舊好。吾竟不能忘。苟母子皆出乎。置秀賴于高野。給淺井氏以粟萬石。其

太閤舊好吾竟不能忘

軍中唯一輿

速水守久一作時之

豐臣氏亡

佗年少。替御。及諸姬侍從。皆舍弗問。治長入告。出答曰。謹拜命之辱。當往謝之。但城池燒殘。膏血塗地。而萬兵注目焉。願得二肩輿。而往。直孝疑其詐。乃使答曰。軍中唯一輿。右府請騎往復。不決。直孝謂重信曰。大旨雖仁。恕是貽禍根也。不如除之。乃發銳倉中者二。以示絕。速水守久呼曰。事不諧。倉中皆哭。秀賴悽然。謂守久。勝永曰。吾為太閤嫡子。而至於此。天也。淺井氏。年四十一餘秀賴。年二十三皆自裁。於是治長。守久。及森勝永。竹田永應。氏家道。喜津川左近等。二十三人。皆殉之。治長。重成。渡邊尚。並有母。野大治長。母大藏。木村重成。與北畠氏。湯川氏等。婦女十三人。皆死。倉中火起。豐臣氏亡。中井積善曰。大坂之事。不足道矣。主昏而臣姦。則以三宿將。亦無有深謀遠圖。唯僥倖萬一之福而已。要皆不量力。不度義者。是以畔而降。而復畔。以流臭於天下。身首塗粉。使宗社塵滅。漸盡而後已。

悲夫。抑城陷之日。我。大大君。能收烈火之威。而尚降肆赦之命。於怙終之子母。其深仁厚誼。有萬世不磨者。予嚮屢談焉者。豈不有故也耶。或曰。孺子不死於城中。潛奔薩以全終。其事甚秘。故世寡傳者矣。嗚呼。奚而然乎。好事者為之也。備倉之跡。較然著明。不可掩焉。且。大大君之神明。無遺策。惡得有元兇未獲。而遽旋駕於京師焉乎。一隆一替。猜隆而憫替。下士私心。一正一奇。厭正而喜奇。俗子通情。故有。此譚也。己。要不足信矣。○秀賴之未死。真田幸昌隨其所

真田幸昌自殺

之。衆諭之曰。舊臣且有逃者。子客將之子。不必殉之。盍出走對曰。我父命我。與右府偕死。終就倉外。藉藁而坐。不食者一晝夜。族秀賴死。乃自殺。○初。大野治長自殺。其臣米村權右衛門。受遺言。匿其少女。發覺被捕。至江戶。吏訊權右衛門曰。大坂城中。庫藏貲財幾許。對曰。不知也。吏曰。汝修理寵臣。何謂不知。語稍侵之。權右衛門方俛首。忽蹶起罵曰。我主在城中。唯議軍事。而不言金穀。其部下謀斫陣擒敵。而不遑。其他吾何得與知。且城

唯議軍事而不

中戰敗。首領猶不保貲財。何為若戰勝。則至將軍佩刀。皆我輩之有。貲財不求而自來。今日裂口拔舌。安言貲財。有無。家康聞之。嘆曰。吾欲得如米村者。令傳義直賴宣也。特宥之。後權右衛門仕淺野長晟。置治長女於京師。厚撫之。其祿仕蓋亦為之也。

武將感狀記。按。落穂集。治長女從夫人德川氏。赴關東。權右衛門使己女從焉。尋自赴關東。治長女適得疾。權右衛門護之。如京師。養疾。權右衛門女。性順謹。與父俱侍湯藥。晝夜不離。左右後疾日篤。終不起。權右衛門火葬之。是日。女悲號不自禁。忽投燄火中。抱棺殉之。觀者酸鼻。權右衛門收骨。葬高野山。終削髮。號權入。隱京師妙心寺。後仕淺野氏。年八十餘。沒。○岡田僑曰。昔陳蕃竇武之遭禍也。蕃友朱震。匿其子逸。事覺。繫獄。受考。掠誓死不言。武掾胡騰。亦匿武孫輔。二人之名藉藉。傳於後世。而不朽者。不獨以其懷杵臼之節。亦由蕃武共為天下名士也。惜乎米村氏之節。似二人。而不為人所稱道者。豈非以其為治長臣耶。然士各盡忠。所事安。○家康方進至櫻門。以待秀賴。出直得下。其主沒。其臣節哉。

孝等來告狀。請罪家康。領之。即日午時。遽命駕。獨從板倉重昌。

五車樓

大戰後當雨

北歸京師。曰。驅之。大戰後當雨。從者不信。己而雨大。至上下沾濕。及淀。取雨衣。夜二鼓入二條城。而大阪諸軍一無知之者。○九日。秀忠命諸將分守天王寺。玉造。青屋。京橋。四門。收尸于岡山。以祭軍神。土人呼為骨塚遂凱旋伏水。留安藤重信等監後事。○秀賴有一男一女。皆庶出。未知所在。東軍懸金大索之。男名國松。甫八歲。與其保田中某。匿伏水農人橋畔。或睹其美質也。捕而獻之。斬六條磧。田中持之。號慟。竟殉之。京極氏捕獻其女。○長曾我部盛親。逃匿于男山。蜂須賀氏捕之。受命縛之。二條城西門數日。大阪市尹水原石見。匿二條城側。藤堂高虎捕之。石見殺三人而死。渡邊尚與大野治長謀潛走。近江聞秀賴死。自殺。七隊將伊藤長實敗還。不得入城。奔投高野。請得監使自殺。近

秀賴男國松被斬國松名秀勝

盡忠所事者我皆假之

狗盛親于京師斬之

捕道見誅于界府

大野治長昆弟伯治長仲治房叔治氏李道見

臣岩佐正壽。赤座直規等十餘人。至妙心寺。亦告官。請死。家康曰。治長等誤國。盛親等煽亂。皆所不宥也。其他豐臣氏舊臣。盡忠所事者。我皆假之。命皆赦之。長實及正壽等。改圖而仕者。數十人。真田幸村妻在。紀伊為所捕。獻亦被赦。削髮為尼。十五日。狗長曾我部盛親于京師。斬于六條磧。其餘大阪遺臣七十二人。卒六百人。諸出質。及通款城中者。皆被誅。夷梟首京師。○柵原康勝。瘍益劇。二十七日卒于京師。年二十六○治氏弟大野道見。匿于京師。亦為所捕。初。界府殷富。日久為道見所藝。戶口凋喪。府民為之切齒。乃送道見于界府。誅之。治長弟治氏。初與兄不協。往仕家康。至是自殺。使人以暴疾聞。治氏兄治房。與明石守重。仙石宗也。逃去。莫知其死所。治長任子後。皆賜死。增田長盛

且元愧 懣成疾 卒 出雲守 高俊 古田織 部正

以子故賜死配所○細川忠興庶子式部獲罪於父奔歸大阪及敗被捕家康欲為減死忠興不自安逼令自殺○家康秀忠收城內燼餘得金二萬八千枚銀二十四萬兩以金馬各二賜井伊直孝藤堂高虎以賞其功○初家康命片桐且元置邸駿府徙居焉迨豐臣氏亡且元愧懣成疾未至而卒令其子高俊襲封予貞隆以小泉和一萬五千石○六月賜大阪于松平忠明食十萬石忠明修荒廢經田里期年而殷富如故後三年徙封郡山陞大阪為鎮府以控制畿西諸國○古田重然通大阪事覺伏誅初重然以精利休茗儀寵幸於秀忠而陰與大阪通重然弟徒有宗僖者城兵欲焚京師宗僖將啓之及事覺捕重然下獄悉得其實至是併黨與皆伏誅○重然以好古雅尚其名喧于當世每得古書

家康入 朝告成 事

家康招 撫伶官 興樂

畫器物故毀而補之以資賞玩舉世習之傳淙成風大河內秀經聞而弗釋嘗語人曰織部其不免乎凡天下寶器存世亟經兵燹屢獲保全皆鬼神護之所致今徇一己奇癖故致損壞此悖理甚者其設心如此吾是以預知其不免也至是人皆服其先○十五日家康入朝告成事獻白金千兩○二十八日秀忠來二條大論功行賞加封直孝高虎各五萬石水野勝成違教旨輕自接刃故不賞責藤田信吉失軍機收其邑池田忠繼卒無嗣命其母弟忠雄襲封以其舊封賜蜂須賀至鎮少將忠直遷從三位進參議前田伊達淺野氏皆進官爵○先是天下亂伶官耗散者數百年家康招撫有年終復舊職朝廷之樂自是興矣○閏月十一日秀忠率諸侯入朝獻白金萬兩二十七日家康秀忠與公卿諸侯觀樂于二條城奏振鉞還城樂延喜樂太平樂樂音洛諸曲人或以為太平象家康命林信勝參

國史略二編卷之五

卅三

五車樓



領新式  
十三條

改元  
和  
定  
式  
十七  
條

考貞永建武式目定新式十三條。○秋七月七日會諸侯于伏水。領新式曰文武之道勿不修佚遊群飲勿不禁犯法者勿舍謀。反若殺人者勿不告諸國民勿移其所勿私築城郭立異結黨者勿不告勿私結婚姻。侯伯會同勿衛從過節衣服之等差勿紊無爵位者勿乘輿諸將士勿厭儉約國主任人勿不擇其器。○十三日詔改元元和。○家康又與關白藤原昭實議定朝廷式目十七條其略曰天子宜因寬平遺誠專學古道而傍習和歌見任三公宜班諸王上武家官位宜在公家員外廷臣繼嗣不宜取異姓諸服章不宜踰等才藝異等若累功勞者其超遷不宜拘門地諸僧官不宜濫授諸朝士違關白及有司者諸浮屠妄冀官達者皆宜處流竄。○封織田常真于大和上

封織田  
常真

詔停豐  
國廟號

野諸邑賜五萬石令其子信良受封。谷寬得曰常真嘗為石田其罪不問至是封之以存其祀。○榊原康勝有幼子勝政及康勝卒諸臣隱而弗白乃使其從子忠次襲封忠次康勝兄大須賀氏子至是復本姓以大須賀氏衆屬於賴宣。○是月詔停豐國廟號廢祀典任其頽廢初本多正信請毀豐臣氏祖廟家康不敢私斷曰是事體匪輕廢置當由宸斷乃與公卿諸王議以奏請焉。池純曰戴記稱天子大社必受霜露風雨以達天地之氣喪國之社屋之不受天陽未聞毀而廢之本多正信以關東一陪不輕敢毀豐臣氏祖廟孰有不惡其僭妄者哉幸上有東照公其專恣暴橫吾知其靡所底止也。今也際豐亨豫大之運塞者悉開而廢者悉舉其豐國之廟久荒廢於寒烟涼草間不復祀者命以修治廟貌輪奐再獲仰天日俾豐公在天之靈有識此盛典其必感激替類長冥護王室也。○八月四日秀忠還江戶是日家康發二條二十三日還駿府。○初少將

血槍九郎信政

忠輝驕縱無度。屢善擊鼓者。花井某遂委之政事。及徙越後。益驕。大改夏役。行至森山。江近從兵與秀忠牙騎鬪。殺三人。長坂信政之嗣在焉。已而向大和。口聽花井言。逗撓不進。家康東歸。過森山。驗實大怒。遂使人往誚其罪。有二士自誣以解之。家康不信。遣吏按之。且詰其逗撓。花井歸咎於其同僚山田將監。逐之。

命酒井土井青

山三臣傳家光

忠世碎描金樂籠

○九月。秀忠命雅樂頭酒井忠世。大炊頭土井利勝。伯耆守青山忠俊。傳家光。忠世以嚴利勝以和。忠俊以直共盡心輔導焉。忠俊故關東奉行忠成子。以其與勳舊同。命深榮之。○忠世嘗侍其左右。見描金樂籠。問之家光。曰。此堀田正盛所獻也。忠世怒曰。鬪靡競奢。則太公之所誡。正盛亡狀。何至於此。直取而碎之。家光適有過舉。忠俊諫之。弗聽。乃脫佩刀前曰。不用臣言。請

願聽伯耆言否

則雅樂亦將入

諫

毀壘皆發公使

先斷臣頭二人。退利勝留侍。燕樂執觴捧之。曰。請嚙一杯。二臣在坐。世子何以爲歡。家光色解。利勝從容策間曰。願聽伯耆言。否則雅樂亦將入諫。家光輒悟。○青山延于曰。後世教導之術。無素。故扞格而不入。其導之也。無漸。故乖戾而難成。夫生而習。驕奢焉。長。縱淫佚焉。雖欲正得乎。昔漢賈誼論治道。以教太子。爲先。非知治體者。何以此觀公之命三臣。可謂知先發矣。大猷公之克承洪基。恢廓鴻業。蓋由所以輔導之者。得其道故也。○冬十月。家康游獵關東。遂如江戶。最上義光先大改役而卒。其子家親嗣。庶兄義成陰應大改。事覺。命家親討夷之。○十一月。以天下盡平。令五畿七道。毀諸壘。皆發公使巡察諸國。三年。一巡著爲永制。○十二月。家康歸駿府。途經伊豆。泉頭以爲退老之地。期以明年營焉。○先是家康欲徙賴宣于駿府。而別自營。以賴宣尚幼。不果。有年。於是徙賴宣爲駿河參議。○是

國史略二編卷之五

卅四

五車樓

二年 改武門 章服

月。大改重囚皆伏誅。○二年丙辰春正月朔。侯伯將帥隨爵位。具衣冠。賀正兩府。以改武門服章。中并積善曰。今之俗。以去頂外。無貴賤。皆然。相傳。前於鎌倉時。或曰。創乎室町氏。蓋衣亂之世。從軍者。兜蓋皆生。蟻。故權。剃頂。髮。以避其患。後罷。復舊。既而天下滋亂。將士丁壯。不遑復髮焉。因仍成俗。卒至於以代冠禮。其為軍容也甚矣。或又曰。中古有月額。今去頂。髮者。蓋月額之過甚。非軍容也。未知孰是。縱非軍容乎。其失禮容。則一矣。俗又有軍麻。肩衣半袴。通為貴賤。公服亦係亂世苟簡之製。可厭耳。當時守文之治。釐服制。正國容。可謂盛事矣。然未及變。斯俗留以成。世之頑習。惜夫。○谷寬得曰。世傳新井氏。欲使武家衣服冠冕。與馬。一切倣搢紳家之制。不幸遇文昭公之喪。而不果。後儒多以是為口實。竊嘆世之不文矣。雖然。東照公以聰明睿智之資。創立大業。台德大猷。二公善繼。父祖之緒。加之。名臣通儒輩。出乎其間。而未及變。斯俗者。蓋有所見。而不為者邪。且有德公中興。而治之。則改革。○二十一日。家康獵于田中。得疾。留之。不可容易。亦可見矣。

家康得疾

四日乃歸。秀忠得報。大驚。無行至駿府。日夜看護。衣不解帶。諸侯伯相踵來。候家康。自知不起。卻醫藥不用。三月家康召忠輝。

遺命放忠輝

母茶阿曰。少將驍健。吾期其成立。不圖荒惰。乃爾。又擅殺長阪血槍之弟。吾在專橫。尚如茲。身後可知。吾不得不絕之。茶阿懼。報之。越後。忠輝懼。來謝。不許。見遺命。放之。伊勢。後遷。飛驒。遂遷。信濃。卒。十七日。天皇使大納言兼勝。廣橋大納言實條。西三條就。

拜家康為太政大臣

天下非一人之天下

駿府。拜家康為太政大臣。二十七日。家康力疾。具衣冠。拜。詔。尋使秀忠。饗。天使。夏四月。家康疾篤。乃麾婦女。不許入侍。十四日。召諸侯伯。諭曰。吾老病。且夕將入地。吾既平定天下。將軍執大政。有日。吾不復。以後事為憂。雖然。吾死而將軍或失政。則侯伯當其器者。宜代執天下之柄。天下非一人之天下。吾何恨哉。乃分賜遺物。令罷就國。以蒞後命。初。諸侯各度。有如不諱。當拘留累年。於是皆出意外。既而召秀忠曰。吾已告諸侯。以興廢之。

留累年。於是皆出意外。既而召秀忠曰。吾已告諸侯。以興廢之。

治天下在於慈

大政大臣家康

薨天下將大亂

天皇賜恤典

式部大輔康政七郎右衛門清政

道汝其留心政事勿毫有私曲秀忠歎欬而退召嫡孫家光曰  
 汝他日治天下者也治天下之道在於慈又召義直賴宣賴房  
 誠曰善事將軍召其傅成瀨正成安藤直次中山信吉最以輔  
 導十七日太政大臣家康薨年七十五遺命葬于久能山河家  
 康疾革乃顧秀忠曰吾將死汝謂天下何秀忠曰將大亂矣家  
 康曰善吾可以死也○青山延于曰易曰危者安其位者也凶者  
 亡其位者也蓋人君在位戒慎畏懼慮其危難察之於無形防之於未然而後可以  
 持盈保安安驕泰自肆莫不致禍亂公時兵革已戢天下無事然  
 其對神祖以亂之將生則可見其戰兢惕厲不狃治安夫如是禍患何自而生哉諸侯會葬者若干人  
 天皇賜恤典甚厚賴宣就建廟焉○初榊原康政兄清政輔故  
 世子信康及世子敗棄官出亡晚依康政家康召賜祿守久能  
 尋卒長子清定留仕宗家乃令少子照久襲父職祿親近之臨

鈴木某直諫

終枕其膝以絕秀忠因使照久掌祀事家康沈毅有大略用兵  
 如神而好學求治愛人善容處事必規百世之後其事朝廷  
 恭順殊至以鎮護王國為己任自執儉約不敢驕侈最重稼穡  
 之事雖至微細無不諳知屢託游畋以問疾苦其為政務養士  
 氣開言路防巧佞浮華之習家康幼質於尾張有獻百舌者卻  
 不受左右問故家康曰吾聞主將不取小慧者其在岡崎有犯  
 禁者二人其一弋于圃其一網于濠皆被拘繫牙兵鈴木某欲  
 諫之未有路乃故自矯令取池籩之鯉煮而食之他日家康觀  
 於池看鯉魚亡一隻怪問守者守者告以實家康大怒欲手斬  
 鈴木鈴木入張目罵曰噫暗主以禽魚易人惡乎得為天下若  
 臣軀命亦何足愛乃袒楊而前家康大悟拋刀而入遂釋前二

五車樓梓

直言之功愈一番鎗

人召鈴木褒之後語人曰直言之功愈一番鎗犯敵者賞可倖

犯君者罰不可測也○菊池純曰昔者齊宣王有方四十里之

諫之者孟子有文囿芻豢之對而不克用之東照公能納鈴木

之直言以釋攘池魚者為其功反愈一番鎗其明暗之懸不唯

冰炭昔人曰主聖則臣直今業已有家康在濱松召三士人命

此明主為之臣者安得不直言哉事其一人出一疏于懷獻焉家康使其讀而聽之每條輒稱善

讀畢謂之曰爾後有所見勿憚於言其人頓首出本多正信侍

坐啓曰彼何輕卒也且其所言無一可取君何褒之曰否吾褒

其志也且褒無可取者則可取者至矣○青山延于曰神祖以

諤鯁直之士假以顏色片善寸長採錄弗遺自非盛德之主孰

能如是哉觀其與正信言則汲汲求諫之意何其切也嗚呼此

其所以奄有四海家康嘗欲官一士問之於土井利勝利勝曰

彼不常來臣家臣未知其如何家康弗懌曰汝宰我家務在訪

人材材者豈肯附權勢哉如汝所言則知耻好義者將日趨彘

媚知耻好義國家之元氣也元氣消亡國家衰老其能久乎昔

酒井正親以神谷某不禮己也謂我曰彼真可用者因請倍其

俸正親為公忘私獎勵士風汝輩何不類焉○青山延于曰管

褒志未

知耻好義國家之元氣

國之有臣猶木之有枝技大則斲其根

介冑之習如鐵衣纓之習如金

忠於天者天授之以大柄

迂拙動欲更改之武田上杉今川大内氏所以衰亡皆由於此也。凡政在因其舊我嘗赴陸奥見源賴朝榜牌其辭曰國事皆因泰衡之舊吾信賴朝之能定東陸也夫介冑之習如鐵衣纓之習如金金可以為虛飾鐵可以為實用國家將衰必有喜衣纓之習者建立新法務其華飾是大蠹也凡所貴於故家者以其存舊製養舊臣焉爾侯伯將士皆與我同苦勞者子孫亦宜與同富貴勿無故滅絕之所以酬其祖先之忠也凡所謂忠者豈獨忠於德川氏哉乃忠於天也我亦忠於天者故天授之以大柄然自有其柄驕奢怠惰以虐生民則天將奪之故吾主岡崎慮隣國攻守主關東慮二道治亂定天下慮四境安危未嘗一日懈怠夫折衝禦侮以守王國武臣之職為然武臣而遺武

德川之箭固其鏃并義元墓五字七字訣

三年改葬建新廟

賜號曰東照

是竊其職也。可不懼乎。家康少與武田氏連兵後講武備多取其法或說曰武田之箭必弛其鏃使中人而難拔也請倣之家康輦顧曰忍哉孰非天下之民因令曰德川之箭必固其鏃使中人而易拔也家康幼為今川氏所育今川義元之墓在于桶峽家康每過必下拜又嘗曰吾有五字訣曰宇邊遠美那蓋母觀觀非望也又有七字訣曰美濃保登遠志禮蓋知其身分量也○五月青山忠俊伯耆守內藤清成修理亮酒井忠利備後守任老職○六月本多佐渡守正信卒年七十九子上野介正純嗣○三年丁巳春二月秀忠以遺命建家康廟于下野日光山以改葬焉夏四月八日畢事既望移主正殿 天皇遣廷臣三輩宣命贈正一位賜號曰東照是日秀忠自江戶來次日祀焉天下侯伯

太上天  
皇崩

四年

五年

放福嶋  
正則于  
信濃

至諸外夷皆獻器財。○六月秀忠入朝謝恩。○秋八月。太上天皇崩。壽四十七。葬于泉涌寺。謚後陽成。○是月。朝鮮來聘。賀秀忠襲職。秀忠接之于伏水。○九月。秀忠還於江戶。○是歲。秀忠令蠲京師地稅。○四年戊午春正月。酒井左衛門尉家次卒。十五年。○夏四月。建東照權現廟於江戶城中紅葉山。○五年己未。夏五月。秀忠入朝。○六月。收福嶋正則封放之於信濃。○初。正則負功驕橫。大坂之役。陰通謀城中。又擅增築城郭。酷嗜殺戮。國民不聊生。於是秀忠與井伊直孝決策放之。津輕以其太僻。改放信濃。時正則在江戶。邸秀忠在京師。使使者來就第傳命。正則默然久之。曰。使前將軍在。則吾將一言焉。今復何言。乃起入內。內中騷擾久之。挈兩女子出。流涕謂使者曰。吾欲與足

福嶋丹  
波令國  
中守城

下決死也。將先殺女兒。終不忍。加刃當甘心受命。因赴配所。秀忠又遣永井直勝。松平忠良。收廣嶋。鞞二城。命山陽山陰諸侯戒嚴。直勝忠良率兵至廣嶋。傳命丹波。丹波自若徐曰。後當自往答。於是丹波令國中曰。主公得罪。放廢。今使者數輩來收城。然主公父子生死未可知。宜急求守城將士。聞之。爭入城。既而城中守備略具。於是丹波使人對使者曰。謹聞教命。寡君蒙罪。處流沒入廣嶋。鞞兩城。丹波不敢有佗。唯未知寡君生死如何。且兩城關原之役。以功賜寡君。寡君謂臣及玄蕃等曰。此皆汝等功。今以兩城屬汝等。汝等能守之。緩急枕此城而死。臣奉是言。周旋。非有寡君命。雖死不敢奉命。使者曰。不日取。正則手書示之。汝丹波又使言曰。然則書未至之間。請移貴隊於境外。使

丹波得  
正則手  
書則致

大崎長  
行獨坐

者許之為退兵三里頃之正則手書至丹波拜讀畢因謂使者曰寡君手書至當速致城乃臣下守義者道城者具題之賓館壁上武器財物盡記之留兵監守而後去○按常山紀談福嶋氏臣在廣嶋聞正則獲罪而逃者三十人目之曰間踰收妻子城中而守者目之曰全守逸妻子而自守者目之曰半守京師耳塚傍建標各題其名分為三等後問踰者皆餓死云○大崎長行與松田下總同守鞆城及正則

得罪奪封聞幕府使者來收廣嶋下總日夜修守備長行獨坐睡而已眾皆稱下總嗤長行聞之曰今受天下之兵雖有金城不可守吾欲自殺以免無辜不須守備也一城聞之感服

○後德川賴宣召福嶋氏臣村上某直鍋某及長行祿之一日召三人問前日戰功村上真鍋各陳其功狀甚詳悉一坐傾耳次至長行一無所陳曰臣初稱與一郎仕木村常陸以鬼玄菴稱仕福嶋正則將一面守鞆城君以是看愚臣平生安藤直次侍側稱曰可○六月明浙江直總兵官王某使單鳳翔齎書來謂要言不煩

焚殺耶  
蘓宗徒

藤原肅  
卒

板倉勝  
重與子  
自代

請杜兩國之奸商秀忠作復書與之○秋七月關白昭實薨六年

四○二十一日嶋津義弘卒十五年○八月焚殺耶蘓宗徒五十

七人於六條磔○九月秀忠徙封松平忠明於郡山淺野長晟

於廣嶋德川賴宣於和歌山自是尾張紀伊水戶稱為三家諸

侯無敢抗禮義直慈仁賴宣雄豪賴房謙遜賴房特不之國冠

譜第將帥以護幕府○藤原肅卒先是元弘中僧玄慧始講宋

學而世未深信之也至肅程朱之學大行人皆以肅為本邦宋

學之祖○冬十月所司代板倉勝重致仕子重宗代之初勝重

以年老辭職秀忠問曰孰當代卿者勝重曰莫若臣長兒秀忠

乃召重宗命之重宗固辭不拜安藤直次素與重宗善一日過

重宗重宗曰將軍命僕代父君聞之乎曰然吾固知子之不勝



安藤直次以重宗為法

任也。顧子非無才。但失之怯耳。重宗駭問其故。曰。父薦之。君命之。子尚固辭。非怯而何。夫為人臣者。一旦就職。萬一有過。則剗腹而死耳。重宗悟。乃起受命。○青山延于曰。古稱內舉不避親。苟非赤心報國。至公無私者。孰能與於此哉。祁奚之舉午。謝安之舉玄。狄仁傑之舉光。嗣韋純之舉薰。後世以為美談。若勝重者。可謂不愧四子也。○是

六年

歲復立花宗茂舊封。徙松平忠明于郡山。以大政為鎮府。遣內藤信正。松平勝政守之。稱為城代。○六年庚申。春正月。以源家光叙正三位。任權大納言。○夏四月。秀忠命酒井忠勝輔家光。○六月。以將軍秀忠女和子為女御。後進中宮。稱東福門院。○是歲置京橋。玉造兩戌。遣大番頭率部眾更戌。與二條城同。於是毀伏水城。獨置奉行。比於界浦。奈良長崎。佐渡。○七年辛酉。春正月。白馬節。盜竊內藏寮布毼。○秋八月。暹羅來聘。先是伊

七年

山田長正至暹羅

勢人山田長正航海至暹羅。遇其國亂。累建戰功。遂被拔擢。管領國事。因說國主通聘。○長正字仁左衛門。或曰伊勢祠官之隸。或曰尾張人。自稱織田右府之孫。少而礪落有大志。好談兵。雄傑自喜。流落寓於駿府。元和初。天下始定。士之求仕者。皆于侯伯。長正弗屑。曰。此間無立功名處。唯游海外。或可以展吾志耳。時下海無禁。府有經商二人。將航海赴臺灣。艤舟於大政。長正請附乘之。二人弗許。長正乃先到大政。求二人之舟。入而匿焉。既而二人至。揚帆而發。長正乃從艙間出。申前請。二人大驚。不能如之。何許之。既到臺灣。商事畢。將俱還。長正曰。某在鄉國。殆不能自存。姑欲留此土。以營生計。二人方患長正之狂。心私喜。委而去之。方此之時。支那姦民稱日本甲螺誘我邦邊民占

綱目卷之三十一

三十一

五車樓梓

長正附  
蠻船西  
游暹羅

據臺地長正通覽地方最爾一嶋且已有主不可有為也又附  
蠻船西游暹羅會邦內騷亂四隣交侵而六昆最强暹羅國主  
出師禦之長正見其行軍無紀律私言其必敗既而果然人或  
傳其語聞於國主國主奇之召見長正詢方略長正指畫陳策  
鑿鑿可用國主大喜擢長正為上將往禦六昆時我邦人流寓  
暹羅者衆長正糾合數百人雜以土兵以虜萬餘人皆為日本  
裝聲言日本援兵大至六昆軍沮因縱兵奮擊大破之六昆王  
憤甚傾國來寇兵數十萬長正曰敵衆強盛難與爭鋒唯以謀  
撓之破之易易耳乃分軍為三一伏山陰一艤海澨長正親率  
其一出於海陸之間進挑戰兵既交佯敗走六昆兵追之將及  
號砲俄發海陸二軍吶喊齊進火鎗亂發長正視機反之衷敵

長正大  
破六昆  
軍

長正長  
驅擒六  
昆王

軍前後擊之大破六昆兵殺數萬人遂追北長驅入其都擒六  
昆王以歸威震遠近於是國主大賞長正妻以其女封六昆之  
地號曰唵普良唵普良蓋諸侯王之謂也久之國主年既高頗  
倦勤使長正攝行國事於是唵普良之名噪於印度諸國後數  
歲嚮之經商二人復航海外行到暹羅既入其界使人逐勞相  
迎入館少焉有吏來戒王召見二人二人初不知其故心頗疑  
懼且從吏入見王冠服在交椅上金珠祭目儀衛甚盛二人俯  
伏膝行不敢仰視及退就館飲食供御如待貴客者意益不安  
既夜復有吏傳呼曰王來二人驚出迎王便服入坐笑拍二人  
之肩曰故人無恙二人愕眙仰視乃長正也長正自備說其發  
跡之由二人叩頭謝其無禮長正曰予之有今日實由二子之

長正引  
見經商

長正每臨戰遙禱於駿府淺間之神

賜抑人有德於我可不報哉既罷厚賜遣之長正雖富貴而常懷桑梓不置每臨戰遙禱於駿府淺間之神軍輒勝至是命工摹繪當時戰鬥之狀為匾附商舶獻於淺間廟以報賽焉又屢牒執政納方物於大府不失恭順之意頃之國主殂世子代立長正退就封先是國主之妃與其近臣姦亂謀除國主畏長正而不發及長正去遂弒之長正聞之則謀與兵討之二姦大懼募人潛往毒之長正死時寬永十年也長正無子有一女名阿因勇武有父風親將其眾欲復父讐屢敗暹羅之兵通國震恐盡發屬國之兵來戰眾寡不敵阿因遂敗亡其下逃歸於本邦長正之弟某在江戶聞長正獲志欲往從之適有人傳長正死乃止○冬十二月織田有樂卒十五年○是歲秀忠徒有馬豐氏

織田有樂卒

八年

本多正純有罪放于出羽

九年

於筑後久留米○八年壬戌夏四月秀忠詣日光山以東照公七回忌辰也家光亦尋詣焉○秋八月本多正純有異圖事覺放于出羽初正純有寵於秀忠關原之役秀忠以逗撓得罪正純請歸罪其父正信於是寵遇日渥正純為人輕躁多偏頗恃勢驕傲家康嘗以步卒百人屬正純正純擅修城池令步卒助役步卒不聽正純大怒一日斬百人同坎瘞之人皆惡其專橫謗言沸騰遂至失國○有馬晴信之誅阿媽港人正純僚吏岡罪在獄中告晴信陰事晴信以故敗大久保忠隣○冬十一月江戶城成○九年癸亥春二月酒井忠世遷西城老職○三月中納言上杉景勝卒十六年○夏六月秀忠朝京師上表致事秋七月家光入朝二十七日詔以家光為大將軍遷內大臣○

國史略二編卷之五

五車樓梓

五車樓梓

放參議  
忠直於  
豐後

忠直削  
髮號一  
伯

家光延  
諸侯賜  
佩刀

八月家光歸江戶。四日黑田長政卒于京師。子忠之嗣。○冬十月放參議松平忠直於豐後。忠直秀康之子。元和之役。以先登之功。進參議。忠直負功。缺望。數不奉法。又縱酒色。殺無辜。將軍屢以密旨勗之。不悛。於是配置焉。削髮號一伯。明年徙封其子光長于越後。以越前賜松平忠昌。○當是時。諸巨藩各自偃蹇。其會同者。將軍或郊迎之。家光以禮分未定。欲釐正之。嘗盡召天下侯伯。自諭之曰。我祖考因卿等力定天下。然以其嘗比肩同等。故加禮待。不敢比譜第將士。至於家光。則極祿已主天下。自有與祖考異者。今已居統率之任。不一事權。非所宜也。自今待卿等。當同於譜第。若不厭心。其各之國。熟思以決去就。諸侯皆遠巡。曰。敢不聽命。家光乃起入坐內廳。以次延諸侯。賜佩刀。

寬永元年

福嶋正  
則卒

創東叡  
山寬永  
寺  
二年

家光便服盤坐。腰無所佩。諸侯受刀拜。家光曰。檢刃。諸侯悚息。抽刀寸許。自是德川氏權勢益定。○是月家光聘鷹司信房女。○十二月。以阿部正次內藤清次為老中。○寬永元年。甲子春二月晦日。改元寬永。○夏四月。京師所司代。板倉伊賀守勝重卒。○秋七月。福嶋正則卒於川中嶋。家光使堀内勘左衛門正利檢之。未至。正則臣津田四郎兵衛火屍。由是更得罪。以其創業功臣。賜其子市之丞。以二千石。屬麾下。○八月。秀忠徙封。二子忠長於駿河遠江。食五十五萬石。○冬十一月。立女御德川氏為中宮。自後村上朝。歷世后妃之號。不正。至是定焉。○是歲。家光創寬永寺於忍岡。號東叡山。以僧天海為宗祝。又築嶋於不忍池中。以擬竹生嶋。○二年乙丑。夏四月。中納言毛利輝

津田亦一歸自暹羅

三年

天皇幸二條城

元卒十七年子秀就襲封。○冬十二月。以井伊直孝為大老。○是歲長崎商人津田亦一歸自暹羅。初慶長中亦一至暹羅。會其國與哥亞戰敗。國主請亦一援之。亦一與山田長正率我民在其日本港者七百人擊哥亞破之。國主大悅。以女妻亦一。至是挈妻而歸。○三年丙寅夏六月。秀忠入朝。大納言德川忠長修道路架橋于大井川。衆皆稱宏壯。秀忠不懌曰。函根大井海道之天嶮也。東照公嘗謂之要衝。而今架橋梁破要地非謀之臧者也。○秋八月。家光亦入朝。遂以淀城充旅館。十八日。詔以秀忠為太政大臣。家光為左大臣。兼左近衛大將。德川頼直德川頼宣為權大納言。德川頼房前田利常伊達政宗。鳴津家久為權中納言。其他任叙有差。○九月。天皇幸于二條城中宮宗

始置二條城在番四年

安南乞互市

五年

竄青山忠俊于伊豆

室妃嬪百官從焉。秀忠家光奉迎。乘輿警衛嚴肅。供具豐備。留蹕數日而還御。○家光還江戶。冬十月。秀忠亦歸。○是年自夏至秋大旱。井池皆涸。○家光始置二條城在番。○四年丁卯春正月。蒲生忠鄉卒。年十二。無嗣。國除。徙封弟忠知於伊豫松山。存其祀。徙加藤嘉明封于會津。食四十萬石。丹羽長重封于白川。並食十萬石。○夏五月。安南上書乞互市。○冬十一月。酒井忠利卒。忠勝襲封。○富士山火。江戶雨灰。○是歲。明人陳明德歸化。明德浙江華府人。○五年戊辰夏四月。秀忠家光詣日光廟。○家光每夜微行。觀角觝于三番坊。青山忠俊聞之大驚。輒諫。家光怒。竄忠俊及其子宗俊于伊豆下田。忠俊卒於配所。後僧天海訴其冤。乃召宗俊。賜三千石。後累功歸復本祿。○家光少時好觀舞。

技自為治容每梳髮置二鏡以整容儀一日忠俊入見作色投鏡於地曰殿下為天下之主何鄙褻至是無乃啓亂階邪家光大怒由是獲罪遂謫總州其後家光念忠俊之言釋而召之忠俊不肯出曰殿下俊過容受臣言死且不扞臣若再待左右是彰殿下過也遂屏居終身○是歲森川重俊永井尚政為老中○

濱田兄  
弟襲臺

長崎人濱田某襲臺灣取之某字彌兵衛勇而有謀弟某字小左衛門子某字新藏並有膽略力無數人初明鄭芝龍來我長崎與代官末次平藏善及芝龍還明平藏屢遣商船買絲我船嘗泊臺灣者往往為衆夷所殺略舟人逃還告平藏平藏聞之大怒乃備船募卒附之於其友彌兵衛為圖報復彌兵衛許之盡裝其從兵數百為農丁被蓑笠持鋏鏹與弟小左衛門行至臺灣請受塵為氓甲必丹依違不答彌兵衛謂衆曰甲必丹不許我滯留其意不可測也大丈夫入不測之地當死中求活耳衆憤然

大丈夫  
入不測  
之地當  
死中求  
活耳

六年

欲死之一日昧爽彌兵衛父子兄弟三人入城衆從之留於門外三人挺身排闥而進甲必丹猶寢在牀驚起叱曰汝等入人閨閣何無禮也彌兵衛奮前擒甲必丹於牀懷出七首擬其喉曰汝有死罪尚何咎人之無禮耶左右欲刃之小左新藏拔刀遮立瞋目叱之左右披靡不敢逼甲必丹惶急乞饒命甚哀彌兵衛曰汝嚮所掠之貨倍數還之甲必丹曰謹奉命彌兵衛乃左手扼甲必丹之臂右手執七首俱起小左新藏擁其前後而出夷卒不敢動彌兵衛乃趨出財物且欲拉甲必丹俱去甲必丹曰嗚民皆仰某指揮某去則俵俵乎無所歸焉某有一兒願以此為質彌兵衛許之乃取其子及財物而還報之於奉行奉行稟大府厚賞之彌兵衛之名震一時○六年己巳春正月伊豫盜起水無某等

伊豫松山盜蜂起

踏耶蕪像

天皇遜位於內親王

帥其徒千餘人。鈔掠松山城。主蒲生忠知擊平之。斬水無。○秋七月。關白信尋罷。以右大臣兼遐為關白。○先是。家光聞筑紫多耶蕪之徒。命竹中重治。松倉重政。索捕之。其悔過者。踏耶蕪像。不悅者。悉殺之。於是畫耶蕪像。令筑紫人踏之。後以為例。○暹羅來聘。○立皇女興子為內親王。初。帝欲讓位於皇女。傳旨家光。家光對曰。遷都以來。久不立女主。而今立之。世或曰。外戚專權之所為也。帝不納。○冬十一月。天皇遜位於內親王。在位十八年。改元者二。曰元和。九年。曰寬永。二十年。帝善國詩。又好插花技。最信佛教。遜位之後。每使僧文守。如周。天主等。說禪律於御前。先是。後醍醐帝留心典故。著年中行事。帝亦撰當時年中行事。親書三部。而一藏禁內。一贈新院。留其稿。

七年

藤堂高虎卒

高虎止殉死

置之。法王宮內親王立。是為明正天皇。明正天皇諱興子。後水尾帝長女也。稱女一宮。母東福門院源氏前大將軍秀忠之女也。受禪時年七歲。關白兼遐攝政。仍用寬永號。尊。後水尾帝曰。太上天皇。○是歲。暹羅來貢。○七年庚午。夏四月。織田常真卒。十三年。○六月。琉球來聘。○秋七月。中和門院崩。年五十六。葬於泉涌寺。○九月。行即位禮。○秀忠家光遣使賀之。○冬十月。和泉守藤堂高虎卒。十一年。子高次嗣。高虎嘗惡時人殉葬之弊。造一函。謂群臣曰。他日欲殉我者。書名於簡。投之。於是投簡者七十餘人。高虎乃持其簡。往請于前將軍家康曰。此輩皆臣之股肱。願以公命止殉死。家康許之。乃還而諭之。一人不從。願強殉之。高虎憂之。家康聞之。使高虎謂。

加藤忠廣有異圖收封放於莊

德川忠長獵淺間

之曰。我既委藤堂氏以先鋒之任。若有殉者。必奪其任矣。其人乃止。至是竟無一人殉者。○八年辛未春三月。江戸城傍雨灰堆積如霜。○夏六月。肥後守加藤忠廣有異圖。嘗造一大船。名曰日本丸。至是事覺。家光收其封。放忠廣於莊內。先是熊本城內樹皆生瓜。形如冬瓜。一瓜孕刀。人皆以為亡國之兆。○秋八月。豐嶋信滿以私憤。斫老中井上正就於城中。○九月。加藤左馬助嘉明卒。○是月。關東洪水。人畜多溺死。○冬十二月。內大臣實條罷。權大納言藤原公益為內大臣。○是冬。德川忠長將獵淺間。衆諫曰。自平城帝。此祠八百歲於今矣。神威顯赫。嚴禁殺生。豈可以為獵場乎。忠長不聽。曰。我既主於此國。鬼神何得違我命乎。乃帥衆圍之。獲猴千二百餘頭。

九年

太政大臣源秀忠薨

賜諡曰台德

其歸也。從輿中刺輿夫。輿夫驚走。乃使從者追斬之。尋又出獵。怒小濱某無禮。又斬之。其極暴濫殺。率如斯。識者豫知駿之將亡也。○九年壬申春正月。前將軍秀忠有疾。家光親侍湯藥。三親藩及諸侯伯皆朝焉。二十四日。太政大臣從一位前大將軍源秀忠薨。年五十四。二十五日。森川重俊。內田正信。殉於其邸。二十六日。葬秀忠于增上寺。是夜府下失火十三所。宿直諸士皆帶甲警衛。上下騷然。○二月。詔賜諡曰台德。贈正一位。秀忠為人勤謹和厚。朝廷以外舅故。禮秩異等。而秀忠益小心。專勵精于政治。貴德遠色。尚節儉。塞請謁。平素好學。崇尊儒術。旁喜國詩聯歌。又善書法。凡劍槍弓銃。以至馬鷹諸技。莫不精究。而博綜而謙冲。不伐。虛己待物。御下以寬。每聞戚族勲舊之喪。



秀忠卸冬牡丹

雖當燕遊笑樂之時。必變色改容。繼以涕泗。居常敬畏。天道觀宇下有日影。委曲避之。未曾一踏。嘗戒行當食。漏刻報期。輒舍

著而出。曰。信不可失也。又好茗燕。恒在茶室。手插瓶花。或獻冬牡丹。觀賞久之。遂却之。曰。此花雖富麗。要不時之物。我不欲愛

玩之也。○菊池純曰。台德公卻冬牡丹。與東照公。擯百舌。同一美事。其平素一動一靜。不期乎正。而未嘗不出於正也。

孔子不食不時之果。實不食不正之肉。門人詳記。以為後學典刑。明君動容。悉中禮。亦可與魯論鄉黨篇並傳也。嘗謂

其下曰。人多云。浮世如夢。寸前暝夜。宜取樂乎目前。此言甚非

矣。是謂人生無定。來日不可恃也。夫既已無定。而不可恃乎。安

容優遊逸居。取樂乎目前乎。聞者嘆服。世稱以為守成之良將。

○秀忠之薨也。諸臣欲秘之。酒井忠勝以為不可。即夜發喪於

是家光下。教盡召諸侯伯親出面之。曰。前將軍薨矣。諸君或冀

秀忠薨即夜發

浮世如夢寸前暝夜

幽駿河大納言忠長

乳母春日局

望天下。則唯其所欲。然家光既係軍職。當以弓箭授受之。諸侯

未答。伊達政宗進言曰。孰不被德川氏恩澤。今日有敢挾異心

者。政宗請先往蹂躪之。衆同聲對曰。誠如中納言所陳。乃退。○

秋九月。家光幽忠長於甲府。尋收其封。流忠長於上野。高崎。忠

長與家光同母。幼字國松。為母氏所鍾愛。附熱者爭承奉之。氣啖

薰灼。而儲闈聞如也。故內外流言。將軍有易嫡之意。世子乳母

春日局者。憂憤密往駿府告之。○春日局。初名阿福。大猷公乳

女長。而嫁稻葉正成。生三子。長正勝。次正定。次正利。利三仕明

智光秀。為老職。以驍勇知名。秀凶欲狙擊。豐臣秀吉發覺。被

殺。正成仕浮田秀家。有故。致仕。隱于美濃。迨世子家光生。覓乳

媪於京師。京師婦人憚赴。關左莫敢應者。局聞之。抵京。尹板倉

勝重請之。勝重薦其門地。皆名士。乃白于江戶。遣之。遂召為乳

媪。保護視養。極得其宜。秀忠大悅。徵其夫正成。祿之。正成固辭。

不至。遂離婚。送三子。與之窮居。終身。局英敏有膽智。其在夫家。

繼位待司益優使總後宮政令大稱職寬永六年奉命入京師  
 後水尾帝引見賜御盃爵叙二位賜號曰春日司初家光年方  
 二十有五患痘甚劇司親禱于東照公闕宮曰大君不豫殆危  
 若賴宗廟之靈大君獲愈而妾罹疾患誓不近醫藥也既而痘  
 色頓佳起脹勢壯遂得痊局以為冥感自分必死而身強健無  
 恙至二十年九月俄邁疾益篤怡然待死初不服醫藥蓋不  
 食其誓言也遂以是月十四日卒年六十有五家光為之震悼  
 賻以銀數千鈔使吏監葬事子正勝以局故自幼給事左右累  
 遷為顯官任丹後守至  
 賜小田原八萬九千石居數月家康使人言秀忠曰久不見幼  
 孫盍使來見二子乃來見家康迎家光于上座忠長欲踵升家  
 康曰叱叱阿國何得外斯坐乎坐定供糕家康取其一命左右  
 曰進於竹千代取其一投與忠長曰阿國喫之衆望於是定矣  
 家光之在西城城濠多鳧忠長手發銃獲一鳧焉以示夫人夫  
 人悅甚命宰之以饗秀忠曰阿國所獲也秀忠悅啖之問曰且  
 何處得之具對以實秀忠吐哺怒曰何得此大怪事謂西城誰

家康供  
孫嫡庶

忠長銃  
城濠鳧

宇都宮  
之變

十年

所居半乃罪其從者忠長既長封甲斐驕恣益甚失驩於秀忠  
 秀忠擯而就國及秀忠有疾畋獵自如秀忠亦不許召見侍湯  
 藥及秀忠薨忠長無戚容嗜殺喜怒無常於是家光既除服乃  
 收其封先是家光詣日光其傳本多正純偽饗家光歸其邑宇  
 都宮設機於天井欲以壓殺家光工既成悉殺工匠以滅口有  
 一匠嘗通里正女密漏其事女聞其死悲悼告之父時家光至  
 石橋驛里正馳上變家光途而還尋收正純封賜死更賜四萬  
 石於其伯父正重以存其祀○冬十月家光命還末次平藏所  
 拘荷蘭人○是歲始置大目付專掌監察○十年癸酉春正月  
 關東地大震箱根山崩人畜多壓死○三月堀田正盛為老中  
 正盛自幼侍家光親寵無比正盛父正利嘗竊歎曰老父不死

則吾兒不顯遂割腹而死正盛果得膺仕○秋九月阿部重次奉使至高崎命忠長賜死安藤重長不肯曰死生至重況君之親弟乎重次乃還江戶乞家光手書而至冬十一月忠長自殺

德川義直建孔子廟

年二十六葬之大造寺上○是歲權大納言德川義直建孔子廟於

貞幹太平頌

貞幹太平頌貞幹時年十三詞旨淳正朝野以為國瑞○夏五

德川光國謁家光

月德川光國始謁家光家光視其舉止非常深歎異之賜以文昌星銅像光國賴房嫡子也○六月家光入朝將宿尾張有訛

言義直謀不軌家光乃不宿而發○秋七月天皇詔以家光

為太政大臣固辭不拜陞從一位左大臣以白金十二萬兩賑京師市人○是日江戶西城火留守酒井忠世懼罪逃寬永寺

江戶西城火酒井忠世逃寬永寺

飛駟報京師家光弗懌曰災變天也忠世何罪但彼職在守城去城謝罪非武夫也馳使諭之忠世懼不敢入城○八月家光歸江戶○九月關白無遐辭攝政上皇復聽政○義直憾家

光之疑己不肯赴江戶賴宣乃往尾張勸之義直乃俱發家光悅曰尾張來見幸亦甚也時酒井忠世猶屏居寬永寺義直賴

房相議因井伊直孝請宥之直孝曰三公為忠世請罪不知為官家乎將為私乎曰亦為官家耳直孝曰紀水二公意如何義直厲聲曰二公意不必問卿第以吾言白將軍直孝入請家光家

光釋然遂宥忠世○冬十一月家光定大番隊為十二部○岡

山藩臣渡邊數馬殺其同僚川合某于伊賀上野蓋復其弟小才治之讐也○川合某稱又五郎嘗以私憤殺數馬之弟小才

伊賀上野報讐

餘人以扞衛道途且赴伊勢取路於伊賀數馬聞計欲為報讐乃辭仕諸其姑夫荒木又右衛門又右衛門夙以善擊劍著焉又以氣義自任焉時仕郡山城主某欲助而復讐又致仕去而跡讐所在至是聞又五赴伊勢尾而宿鳴原驛蓋以又五宿此驛也且日味爽數馬與荒木白衣衷甲皆凶服而發要之於上野城下而又五未知之拂曉上途數馬突起斬其下奴大呼薄之又五倉黃跳而下馬揮鎗當之戰未數合互被重傷勝負未決當是時荒木咆哮手揮雙刀斃八人傷三人膽張神旺餘勇可賈也遂助數馬斫斃又五數馬刺其喉餘黨駭走舉世嘖嘖呼曰伊賀越報讐○是歲改造日光廟

改造日光廟  
十二年

宏壯偉麗極輪奐之美○十二年乙亥春三月流柳川調興於津輕調興對馬守宗義成臣也初將軍賜書於外國未嘗稱王號元和中朝鮮入貢調興與僧玄方謀密加王字置日本國云云之下以附之貢使貢使歸事覺調興惶懼誣其主義成數年不決至是家光親聽斷之三親藩執政皆侍坐調興語塞玄方亦處流○夏六月定武家制度十九章又定諸侯會同期以四

定諸侯會同期以四月

十三年

月○秋七月令長崎禁交趾占城呂宋等互市先是外舶隨便泊西海諸港至是皆停之蓋以嚴禁耶蕪教也○冬十月以左大臣藤原康道攝政○是歲始置寺社奉行○十三年丙子春正月始置評定所○夏五月伊達政宗卒十年七子忠宗嗣○秋七月徙封保科肥後守正之於羽州山形食二十萬石正之將軍秀忠之孽子為人敦實好學初秀忠侍婢有孕而出生男於其鄉邦俗端午節有男兒者樹章幟于門婢家幟用葵章吏詰得其故有證左遂以聞保科正光以無子請得為嗣命名正之家光嘗放鷹於驪鄉與近臣數人微行入邑中佛寺寺僧不知其為家光與坐而談家光視其壁畫頗雅謂之曰貴寺在僻而清雅若是豈有大檀越邪曰無有也唯有保科氏亦貧甚吾聞保

侍婢家端午節樹章幟  
家光放鷹於驪鄉息於佛寺

科君將軍親弟也。小民猶知恤同胞，貴人何心腸薄如此。家光為不聞者，辭謝而出，居無何，有此命。後正之，給驪鄉佛寺以香

火邑。○菊池純曰：白龍魚，服時息於僧寺，而寺僧真率，訴其不平，反為保料氏博得二十萬石，大封寺僧，亦可謂保料氏

功○是歲鑄新錢於江戶及近江坂本，款曰寬永通寶。○十四

年丁丑春正月朔，日有食之。○秋七月八日，星貫月。○冬十月

肥前嶋原民作亂，初大友小西氏之亡，遺臣往往散匿民間，二

氏皆崇信耶蘇教，故其衆亦皆竊奉其法，而肥前嶋原最為夥。

城主松倉重次暴斂橫征，不恤其下，士民怨苦，於是耶蘇之徒

稍稍潛匿其封內，以煽動愚民，而重次不知之也。嶋原與天草

嶋相脣齒，而嶋則屬唐津，城主寺澤賢高以天草海路遼隔，城

富岡以控天草，命三宅某守之，賦斂暴急，百姓苦之，於是嶋民

鑄新錢

十四年

嶋原民作亂

天草出神人天示之以祥瑞

四郎時貞善幻術移檄嘯聚

大矢野某與千束大江諸人潛赴嶋原，誘以邪教，揚言曰：吾嘗

聞天草當出神人，以弘此法，今天草有益田時貞，無乃其人乎。

况赤雲芝草，天示之以祥瑞，果如其所聞，衆皆驚喜，以為天祐

也。時貞者稱四郎父，曰：甚兵衛嘗仕小西行長，信耶蘇教，時貞

亦學之，頗善幻術，人皆稍稍惑之。是月時貞移檄四方，嘯聚黨

與時城主重次在江戶，聞有馬里正角藏唱邪教，遣吏卒驗問，

角藏果會里民拜耶蘇像，乃遣兵捕之，其徒聞之大怒，二十五

日，至有馬殺吏報之，吏皆狼狽，航海逃歸嶋原，老職岡本某帥

戰艦十九艘赴有馬，度賊勢猖獗，衆寡不可敵，半途引還。二十

六日，賊急攻嶋原，呼噪而進，揮斧破城門，城兵力拒連發巨煩，

賊稍避易，城兵開門突擊，賊大潰，亂奪船而逃。二十七日，嶋原

時貞舉  
兵天草  
賊推為  
大將

家光命  
板倉重  
昌討賊

守吏馳使告變江戶。斬角藏及妻子十六人。賊勢益熾。嘯聚遂至八千人。而時貞亦舉兵天草。鳴原賊奉為大將。三宅聞變大驚。乞援唐津。時賢高亦在江戶。衆議不決。賊殺掠日甚。三宅又告急唐津。十一月五日。唐津遣岡本某將兵一千五百。航海援富岡。鳴原賊亦赴援。十四日。海陸並進。薄鳴子。村民縱火。應賊唐津兵大敗。賊鋒甚銳。三宅力戰死之。餘衆皆潰。賊議曰。富岡三面瀕海。一面據險。吾當取之。以為根抵。乃聯竹楯。薄城。鉞不能洞。城將原田嘉種善拒命。鉞手五十人。叢擊碎一楯。城兵突進。擊殺數百人。賊大敗走。當是時。羽書交達江戶。家光特命板倉重昌討之。石谷貞清監軍。又使松倉重次速就國。重昌子重矩請從。許之。諸將即日發江戶。酒間有告鳴原之變者。曰。將軍

遣板倉重昌討之。問曰。啓行何日。曰。既發矣。宗矩色然辭。以事故。且請借善馬。乃揚鞭南馳。徑追重昌。至品川驛。弗及。至川崎。則日已晡。意將欲矯命以止其行也。遂不及而還。既夜。登城請面謁將軍。家光召見。問其故。宗矩具陳追重昌之狀。且曰。此行也。臣見重昌之往。不見其還。家光不擇而起。夜半再召宗矩。問其所見。對曰。臣聞愚民為妖教所煽。惑者誅之。極難。殿下亦不見大夜門徒與參州兇賊乎。以織田右府之積威。與東照公之英武。曠日彌久。久而不能平。而況使一重昌討之。臣恐威信不行。於下。而諸將不奉命。夫威信不行。則不能速奏功也。諸將不奉命。則不得不遣重望大臣。夫如斯則重昌何面目視息於世乎。其戰死必矣。故曰。臣見其往。而不見其還也。願命臣召還重昌。其與俱歸。不出於三數日也。家光有悔色。後果如宗矩所言。二十二日。賊兵圍富岡數匝。遂陷其外城。二十九日。重次至。鳴原。十二月五日。重昌貞清亦至。先是賊聞東軍大至。修原城。壘趾據之。壘蓋永祿中。龍造寺氏所據。以雄視一方。高阜隆然。崛起海岸。頗稱天險。賊乃推時貞居其牙城。四方豪傑來聚者。蘆塚忠右衛門。山田衛門佐。大矢野三右衛門。千束善左衛門。

賊徒聚於城者三萬六千人

更命松平信紹討賊

十五年大風折樹黑煙四塞

森宗意等凡數百人賊徒聚於城者併歸女老幼號稱三萬六千人六日重次先諸軍發嶋原重昌貞清繼進時西海諸侯皆發兵來援寺澤賢高亦就國十日諸軍薄城賊不敢出二十日鍋嶋氏將諫早豐前攻西面松山不利而退立花忠茂以五千人攻東面賊力拒婦女亦登陣投石忠茂督衆苦攻僵尸相枕重昌度不易力取急令收兵且待後命家光聞草賊久不夷更命松平信紹戶田氏鐵赴討晦日重昌聞二將來討誓曰今而不屠城吾何顏見二人明日歲首賊必不設備急攻拔之衆皆然之賊亦偵知爲之備○十五年戊寅春正月朔全軍進攻原城是日大風折樹揚沙黑煙四塞殆如闇夜賊弓銃亂發死者無算先鋒有馬忠賴欲專功薄城而喊賊開門突出忠賴敗走死

板倉重昌戰死

者過半重昌紺甲唐首胄纓無餘決死而出呼紙筆題國歌一首以贈石谷貞清乃麾衆而進當是時衆隊環攻呼聲震地城上矢丸如織加以火箭諸軍辟易伏尸如邱賊酋時貞自勵士卒巡城督戰賊勢益振重昌挺進揮槍鏖敵旣而槍折又揮刀健鬪單騎薄城賊駒木根某自睥睨窺之知其爲總兵擬銃射之重昌中丸而斃其餘將校死者無數而城益固不拔此日我軍死傷者三千餘人而賊傷者厯不滿九十人○菊池純曰當煽亂也。以爲烏合之兵。嬰叢爾孤城。挫西侯伯大軍。殪關東軍。監于撥丸之下。扞禦兩歲。至糧盡力屈。不可復爲。而後駢首。即戰。何其賊勢猖獗。一至於此乎。蓋征西之師。將非不勇也。士非不精也。獨所置者。由將帥之權不重。號令約束不嚴耳。夫官微則威權不重。祿小則名望不尊。以不尊之名。望不重之威。權而俄命。以總戎之寄。宜乎西州諸侯不從其節度。弄兵玩寇。曠日彌久。暴師于外。屢致敗郵也。三日信紹等至嶋原五日寺澤賢高來會信

賊乘夜  
斬黑田  
鍋嶋營

縹巡視城外合長圍苦賊又召荷蘭人於長崎命發巨煩於城  
 中賊兵大困造土室禦丸○二月城中糧盡二十一日賊三千  
 乘夜斫黑田鍋嶋營縱火大喊城中鼓噪助之忠之臣黑田監  
 物死之○賊襲黑田氏營其良多戰死事聞於江戶家光會議  
 三親藩及執政義直賴房不能對賴宣進相慶曰賊亡  
 無日矣衆皆疑之未數日捷聞交至果如其所言後或問其故  
 曰九敵乘夜襲營者由城中糧盡糧盡兵飢不亡何為問者歎  
 服明日水野勝成亦來會二十四日諸將會議於信縹營氏鐵  
 進曰苦戰損兵雖捷以益己盍待糧盡殲之勝成曰否賊本烏  
 合糧食必乏諸君合圍一鼓拔之弗須費力也信縹曰善期以  
 二十六日是日大風雨更約二十八日○先是信縹營中懸一  
 鐘以警不虞既而以謂  
 有謀者撞之亦足以擾我軍耳每夜置撞木于枕上又竊以謂  
 鐵楛木炮何物不可撞未必此撞木也乃聚苞數十枚約束其  
 鐘又沈思久之遂伏鐘地上繫繩於鈕以便扛上未幾  
 賊夜襲吾營比及上鐘解苞賊已入塞竟不為用云時長崎

榭原職  
信挺進  
植旗城  
上

原城陷

奉行榭原職直監勝茂軍子職信從是夜職信會衆議先登不  
 決翌日勝茂率手兵攻城賊兵力拒矢丸雨下其老諫早豐前  
 奮擊破之職信挺進植旗城上職直望見曰旗號車輪是必吾  
 兒不可不救乃進勝茂呼曰毋使監軍死麾衆而進於是諸軍  
 肉薄四面齊登悉奪其外城賊屢保其牙城日既晡諸軍陣城  
 上黑田忠之謂其老美作曰功名多為他人所奪明日吾將暴  
 尸于城下不然生不復見人也美作壯之俱約死而出板倉重  
 矩與石谷貞清相語曰亡父內膳已死於元日之戰明日吾亦  
 將一死以吊泉下之父貞清慰而遣之明日黎明諸軍進攻牙  
 城兵都稱十二萬人黑田氏將黑田美作先登火箭霰集壘柵  
 皆火時海風四起焰烟漲天我軍奪門而入城乃陷屠殺賊男



陳佐右衛門

時貞伏誅

女三萬七千人無復噍類矣。細川氏兵陳某斬時貞而我軍死者一千百三十餘人。○此日信經巡視城中有械而囚者信經問其名則山田衛門佐也乃命館之有馬

氏初衛門當耶蕪徒起曲從入其黨使母逃去時貞命守城壁一夕約書于矢射小笠原氏營曰臣有老母在今潛匿某地願

得被宥命為內應以報其恩誼信經作書令人復射之為邏兵所獲諸魁大驚欲執衛門戮之獨蘆塚不聽曰衛門仁恕能

恤其部下今而殺之部下必叛不如捕而幽之更兵守壁以備敵來襲乃列銃以候我軍不覺至期傳壁遇銃而敗及城陷賊

卒欲殺衛門不果而去至是信經命釋其縛送之江戶家光嘉其孝義及賜其田宅賊徒三萬七千人而全其首領者獨山田

母子二人耳人皆以為為孝感所致云 ○三月信經令諸軍毀原城石壁巡視天草

長崎梟時貞首級於長崎瘞賊級二萬於西坂名曰有馬塚 ○

夏四月信經氏鐵凱旋江戶西海諸侯皆就國家光召寺澤賢

高松倉重次遂禁錮重次削賢高封六月召鍋嶋勝茂榊原職

直以其犯軍令欲罰之德川賴房聞之曰嚴令懲後是戰國之

有馬塚禁錮重次削賢高封

十六年

始置大老職

江戸城火

十七年

毛利秀元饗茗

法用之今日則不可若罪二人異日誰復効力國家者家光然之遂不問其罪 ○冬十二月賜松倉重次死流弟重利於讚岐

○十六年己卯春正月徙封松平信經於河越武藏阿部忠秋於

忍總下並任老中 ○始置大老職 ○秋七月令諸國嚴禁蕃舶來

泊蓋以耶蕪教啓禍亂也 ○八月江戸城火殿宇蕩盡 ○是歲

造蠻館於湊浦先是蠻人在長崎者與里民雜居至是別居焉

○十七年庚辰春二月江戸城成 ○夏五月阿媽港舶來長崎

家光遣吏讓其犯大禁捕而悉斬之燒其船及貨物 ○秋九月

家光如品川別館德川義直賴宣賴房及僧澤庵從焉毛利秀

元饗茗供具極盛秀元成童為外征元帥門望皆隆家光推稱

以為老友 ○生駒高俊為政偏頗士民分黨相軋家光奪其封

國史田二編卷之五

始置勘  
定奉行

賜其子某一萬石存其祀後愈削小以八千石列更番麾下○始置  
勘定奉行數員掌錢穀以松平正紹告老也正紹實郡吏大河  
內秀紹者子冒松平氏長於理財歷事三世常為度支嗣子信紹  
秀紹庶孫而養於正紹○是歲夏松前宇知浦海溢山壑發火  
炎焰飛空人畜死傷无算焦土入海竟生一大嶋○十八年辛  
巳春正月江戶桶坊火延燒八千餘家○二月命太田資宗撰  
列侯以下家譜○秋七月日光多寶塔成先是家光將造塔時  
嶋田利正以機敏聞家光召問曰銅鐵與石孰堅利正對之曰  
塔之堅脆非鐵石所能若能修補豐國廟則日光之塔萬世不  
廢矣家光乃造以石○是歲家光以天草嶋屬肥後使黑田忠  
之鍋嶋勝茂掌長崎防禦○十九年壬午春二月命林道春撰

十九年

定譜代  
諸侯更  
期

將軍家譜○夏五月定譜代諸侯交代期以六月其在關以東  
者以半年代焉著為永制○冬十二月徙松平頼重封於高松  
讚岐食十二萬石頼重頼房嫡子也有故不得立初封下館陸五  
萬石至是受殊封○二十年癸未夏六月朝鮮來聘獻洪鐘寶  
爐於日光廟○是月會津城主加藤明成有罪奪封封其子明  
友於石見安濃食一萬石至明友子明英徙于江州水口食二  
萬五千石列譜第先是明成寵臣堀主水亡命來江戶訴明成  
十餘罪明成大怒欲捕而甘心之主水奔高野山明成索之僧  
徒不肯出明成益怒遂請家光曰臣願以國易主水家光令吏  
至高野捕主水贈之明成明成喜而誅之其妻子匿於鎌倉尼  
寺明成又遣人捕之寺主怒訴之遂收明成城邑○琉球貢西

二十年

加藤明  
成有罪  
奪封

琉球貢  
西

僧天海  
沒

瓜於薩摩。○冬十月。大僧正天海歿。年百三十三○帝在位十四年。

不改元。是月。讓位於皇弟紹仁親王。是為後光明天皇。

後光明天皇諱紹仁。後水尾天皇第三子。母壬生院藤原氏。

贈左大臣基任之女。寬永二十年。冬十月。即位於紫宸殿。時年

十一。○十一月。天皇始讀書。○正保元年甲申。夏五月。長松

正保元  
年

甲府生。○秋七月。諸家大系圖成。納之日光寶庫。○是月。家光

諸家大  
系圖成

營東照公廟於瀧山。河附祭田二百石。○冬十月。改元正保。○

二年

二年乙酉。夏四月。以家紹為權大納言。叙從二位。○冬十一月。

三年

詔賜宮號於日光廟。○三年丙戌。春正月。德松紹吉生。○三月。遣

例幣使

使賜幣於日光廟。後以為恒例。世謂之例幣使。○是月。柳生但

馬守宗矩卒。子宗冬嗣。○夏四月。小姓高嶋左近。殺小十人赤

四年

井彌兵於途。逃入老中松平信紹第。信紹具以聞。家光乃遣使

於信紹第。賜左近死。嶋田正利聞之。曰。善游者溺。善騎者墜。左

明主遣  
使乞援  
兵

近好鬪。其及也宜矣。○秋八月。守澄法親王為日光山座主。座

主。後水尾上皇第四子也。皇子補日光座主。始於此。○四

年丁亥。春正月。九條道房任攝政。○冬十月。明遣使奉明主及

鄭芝龍書。來乞援兵。家光召三藩老中議之。三藩請往。執政井

伊直孝沮之。議不決。既而聞清兵入閩。芝龍等降。終辭出兵。初

芝龍來肥前平戶。娶田川氏。生子成功。芝龍還明。迎成功母子。

清兵陷泉州。田川氏登城樓自殺。投河水。清兵吐舌曰。婦女尚

能爾。倭人勇決。不負所聞也。及芝龍降。成功獨擁衆不降。○十

一月。詔賜故僧正天海號曰慈眼大師。○慶安元年。戊子。春

慶安元  
年

國史略二編卷之五

中江藤樹

近江聖人

二月改元慶安。○家光遣使三河大樹寺修贈大納言廣忠百年忌辰。○夏四月家光如日光修東照宮三十三年之薦事。○秋八月丹波福智山城主稻葉紀通自殺初紀通因事誅其家士多所逮及餘黨大懼流言紀通謀不軌隣國諸侯出兵備之國中相驚曰隣國兵至矣紀通歎曰隣國果誤我矣剝腹而死。○近江人中江原歿十一年原字惟命小字與右衛門號藤樹高嶋郡人藤樹篤信王文成之學先躬行後文藝每引四民訓諭之人無賢愚皆薰其德悉為良民時稱曰近江聖人。○一士人之故里欲弔其墳墓問路農夫農夫即舍耒耜徑趨入屋更著潔服出士跟之而行既而至墓所農夫拜掃甚恭士心訝之因問曰爾干藤樹有何親故而敬禮乃爾農夫曰致仰藤樹先生豈惟余哉闔邑皆然父母每語其子弟曰吾里父子有禮兄弟有息室無忿疾之聲而有和煦之色者職由藤樹先生之遺教也此所以無一人不戴其恩也士人為動容曰世稱為近江聖人

二年

三年

四年

水野勝成愛士

吾乃今而知其非虛讚也即敬拜其墓厚謝農夫去。○菊池純日中江氏積德茂行筆不遑書而其尤膾炙人口者馬大還遺金是也盜賊為良民是也而原其所由皆自躬行上得來者。○可謂得聖學之要者矣舉世推稱以為聖人蓋非虛讚也。○二年己丑夏六月江戶地大震官邸市舍殆皆倒。○秋九月琉球來聘。○三年庚寅春三月東國地大震。○夏四月家光命六諸侯防江戶城火災諸侯充防火始於此。○五月尾張大納言義直卒子光義襲封。○秋九月以阿部忠秋為家經傅十日越前一伯卒十一年冬十一月朔日南至群臣表賀。○是歲毛利甲斐守秀元卒十一年子光廣嗣。○四年辛卯春正月朔家光有疾家經入子城受諸侯朝賀。○三月福山城主水野勝成卒八年勝成愛人禮士恒語其臣曰吾以汝等為赤子汝等宜以吾為父嘗出獵見一人候之即曩事勝成者因問曰聞子仕越前

食高祿何為復來其人曰主公能愛士臣感其厚遇故辭而復來也勝成喜而祿之後勝成致仕偶過其家門已杜矣怪問之左右曰彼忤新主命辭仕而去勝成大息曰吾家將不復振何其吾兒待士之薄乎抑豪傑之士處事不肯枉己從人為之君者宜待以優禮今乃不能然宜乎其去而弗留乎○夏四月家光疾病召三親藩及執政遺命曰卿等輔佐家經政事一遵舊章又特命保科正之曰善輔吾兒二十日左大臣從一位大將軍源家光薨年四十八堀田加賀守正盛阿部對馬守重次內田信濃守正信三枝土佐守守重等皆殉焉○谷寬得曰秦穆公之奪三良也詩人刺之公以既明且哲之資未及禁焉者雖白珪之微瑕實明德之累也可惜哉可惜哉二十六日以遺命葬于日光山二十九日詔贈正一位太政大臣廟號大猷

大將軍  
家光薨  
堀田正  
盛等殉  
之

家光甚  
敬重祖  
先

家光幼英偉家康器之戒秀忠曰易嫡亂之本也且竹千代後必為明將宜速定儲貳戒其保傅曰父必求其子類己是不協之原也宜因其器成就之吾於三郎有終身之憾汝輩勿使將軍再憾也及長聰明勇決恩威並行家光甚敬重祖先諸老臣侍燕間言及祖先事輒曰少蒞之乃改衣帶盥漱然後聽之善摘察臣下是非而不輕發之口久世廣宣三子廣之為側衆有權寵家光一日卒問之曰汝今朝得諸侯贈遺乎廣之拜而對曰然問贈者姓名及其物件廣之條對家光曰未盡也廣之取簿記於懷檢之果然因惶汗而退更相告警○菊池純曰明主在不用其明焉耳明主而過用聰明其弊則為苛察此亦人君所不容不慮也大猷公聰明英果當世不見其匹獨所憾者過於用聰明不克无苛察之累柱下之言曰治大國如烹小鮮又曰水至清則無魚知言也哉秀忠時青山忠

信經造城樓一宵而成

慶安之變

俊獲罪放于遠江。及家光親政未及復之而死配所。乃召用其子宗俊。晚歲賜邑于信濃。又賜大久保忠季肥前地八萬石。及其子忠任。終復舊封。再鎮小田原。以白父祖之冤。天下悅服。當家光之時。保科正之。井伊直孝等名臣盈朝。而松平信經尤稱警敏。家光嘗欲急改造一城樓。信經督工。一宵而成。以白紙糊壁。如新。至者土井利勝讓之曰。不成則已。是使人主責難於下也。信經謝曰。僕請終身以為戒。○亂人由井正雪伏誅。正雪駿河由井之人。父業漆戶。正雪之幼父欲使為僧。正雪不肯。一日讀太閤記有所感奮。去遊江戶。適有一處士自稱云。楠氏之裔。家傳兵書。正雪從之。游約為父子。遂冒楠氏以兵法教授。弟子日進嘗密摹造楠氏系譜。及菊水章旗埋藏之淺間山。至是托

盛火藥於酒榼肆置之酒

弓匠藤四郎與田代上

靈夢發開之。自稱楠氏遠裔。竊畜異圖。與其黨丸橋忠彌欲乘喪作亂。忠彌者長曾我部盛親遺孽。以善槍法聞焉。正雪與之親善。一夕會衆於道灌山。定約束。布號令。謂忠彌曰。卿預盛火藥於酒榼。悉置之酒肆。一肆點火。則闔都為有。吾亦見火光。騰徑火駿府。據久能山。以遙相應。則大事可集也。既而正雪歸駿府。忠彌留江戶。將刻期相發。忠彌慮軍須或乏。請借金於田代氏。因啗以利曰。事成則賞以封侯。田代氏佯諾之。忠彌大喜。又說弓匠藤四郎以秘計。二人驚愕。即夜馳上變。老中松平信經聞其善槍。恐多傷人。直遣捕吏圍其家。連呼曰。失火。失火。忠彌倉皇登樓。望之。衆乃突入擒之。更遣駒井右京於駿府。捕正雪。是日黎明。正雪東向。眺矚久之。曰。大事睽矣。既而右京果至。與

正雪伏誅

信紹預知忠彌有反相

碩儒姦雄肝膽相照如合符節

城代大久保忠成謀遣吏圍之。正雪及其徒八人皆已自殺。賞田代氏以千金。其他論功行賞有差。先是信紹遇忠彌於和田倉門外。忠彌蹠而敬。信紹問左右曰：誰居蹠而敬者？答曰：九橋忠彌。信紹愀然不樂，曰：彼有反相。天下無事則已，苟有事乎？彼必將圖不軌。後數月而忠彌就擒，人服其識鑒。熊澤了介嘗至德川賴宣第，及入見一士人，骨相非凡，相視而不交言。見賴宣曰：某今見一士人，彼何人？曰：渠為吾講兵書，處士由井民部助也。了介正色曰：某熟視其貌，以察其意，君勿復近如彼者。他日正雪來曰：某曩日見一士人，未知其何人，敢問焉。賴宣曰：渠說吾以經書，岡山藩士熊澤次郎八也。正雪正色曰：某熟視其容貌，以察其意，君勿復近如彼士。初正雪之圖不軌，偽作德川賴宣

承應元年  
伊丹康勝練達  
二年  
伊丹康勝練達  
吏務

與賊相交通之密移數通，以煽動民心。既而逆徒伏誅，獲書其家，執政會議欲召賴宣鞠之。一府騷擾，禍且不測。賴宣入見執政，信紹忠秋取書似之。賴宣瀏覽一過，有喜色曰：此吉兆慶事。又何虞之有乎？何則？賊徒假名於外諸侯，以作質書煽起禍亂。其忘息規利，或將有與狂謀者，今不假之於彼而求於我，此所以其速致平定也。將軍幼冲，猶有不霽威，吾今將封府庫奉還封土，又何虞之有乎？聞者服其宏度。○冬十一月，磔九橋忠彌以下三十餘人於品川。○承應元年壬辰夏五月，林春齋著王代一覽獻諸幕府。○秋八月，改元承應。○冬十二月，酒井忠清為大老。○二年癸巳夏六月，勘定奉行伊丹康勝卒，康勝練達吏務勸農桑，通商賈，與民同其利，一時稱為循吏。甲斐國產小

楮一賈人納金官府以摧其利或請增納千金有司將許之康  
 勝極論其不可老中問曰千金雖微亦足以資國用何謂無益  
 也康勝曰公等能禦盜乎否老中怪問之則曰小楮者亡上下  
 貴賤皆所須用不可一日無之物惟其價甚廉故上下皆用而  
 不困今彼欲增千金以奪其利此不過貴楮價以償之之計耳  
 楮價一貴而百物翔貴小民窮困勢必至為盜群盜蠡起所在  
 侵掠公等能禦之乎否老中語塞○皇城災○秋八月以家經  
 為右大臣弟經重任左近衛權中將兼左馬頭經吉任右近衛  
 權中將右馬頭並叙從四位下時人謂之兩典廐○九月琉球  
 來聘○是歲家經命平戶城主松浦鎮信築煩臺於七處以備  
 外寇○三年甲午春三月家經奉詔營大內課諸侯助役○

三年

板倉重宗隔障聽訟

秋七月所司代板倉重宗罷重宗在職三十餘年令行禁止民  
 敬之如神明每聽訟必向西遙拜而後出臨廳事躬親引春碾  
 茶隔紙障而聽之未嘗視訟者面人間其故重宗曰吾聞愛宕  
 神甚靈吾斷獄一有不公神必罰極之所以默禱也抑聽訟之  
 能明由於心之能靜心靜則茶之落碾必細不靜則茶必不細  
 此吾自驗吾心耳且夫人面非一有溫柔者有猛惡者吾先視  
 其面則未聽其辭而邪正曲直先有所偏倚焉雖然人心邪正  
 未可遽以外貌卜之猛惡未必不正溫柔未必皆正所以隔障  
 而聽之也○青山延于曰知勝重之賢而用之者東照公也從  
 勝重之言而用重宗者台德公也終始任重宗而不  
 疑者大猷公也有此君而有此臣啓萬世之基宜矣○菊池純  
 曰有重宗之心而斷獄雖不隔障碾茶何苦獄訟不耶無重  
 宗之心而折訟雖日碾茶時拜神又何補於獄訟哉呂刑曰兩  
 造具備師聽五辭行露之詩曰雀無角何以穿屋嗚呼折訟亦

造具備師聽五辭行露之詩曰雀無角何以穿屋嗚呼折訟亦



明隱元  
歸化

○以牧野親成爲所司代命曰每事必諮板倉重宗○明僧  
 隱元歸化家紹置之於宇治勅萬福寺我邦有黃檗派昉於此  
 ○八月尊生母藤原氏號壬生院○九月天皇崩於假殿壽  
 二十二在位十一年改元者三曰正保年四曰慶安年四曰承應年三  
 冬十月葬泉涌寺帝英敏宏度幼而好學粗通大義嘗  
 侍講進程朱新法講官奏曰古來進講必用漢儒古注帝曰  
 擇其善者從之何問新古乃講新法帝常好詩賦疎斥和歌  
 嘗觀後水尾上皇上皇曰聞帝好詩賦不喜詠和歌然  
 和歌者吾朝故典不可不學帝乃獻和歌十首上皇未讀  
 了又詠十首呈之上皇歎曰如斯則不學亦不害帝性酷  
 惡雷及聞謝上蔡須從性偏所難克克將去之語豁然大悟曰

帝惡雷

魚戶八  
兵衛諫  
火浴

忌雷亦偏矣朕豈難克乎一日迅雷端坐簾外埃其止而入自  
 此不復惡雷也又嘗病削額髮服短襖欲復烏帽素襖之舊曰  
 胡服猶有袖吾朝何不改此凶服未果而崩又嘗欲建聖廟復  
 大學寮亦不果自持統天皇之喪始行火葬世世相承習而  
 爲俗帝每歎之將復舊典會患痘醫官誤治暴崩而火聖  
 骸則至帝而止初帝之崩也朝議依舊欲行火浴有魚戶  
 八兵衛者頗好宋學以其常出入宮禁聞之大哭曰火葬者非  
 聖主之意也聖主嘗欲停之安可以其所惡而送其終乎遂  
 奔走仙院後宮及百執事之門請廢火葬從帝意敷欷流涕  
 聞者爲之動容朝議遂從埋葬○菊池純曰魚商八兵衛一  
 匹夫耳以匹夫之賤與天下  
 之卿相論詳其可否直言讜議不山屈焉以至達其志亦可  
 見帝克己之德所涵育也昔者趙宋之時蔡京令石工安民

見之卿相論詳其可否直言讜議不山屈焉以至達其志亦可  
 見帝克己之德所涵育也昔者趙宋之時蔡京令石工安民

刻元祐黨人碑安民辭曰臣愚人固不知立碑之意但如司馬公海內稱其正直今謂之姦邪民不忍刻也抑魚商之與石工均賤民也而一以諫止火浴一以固辭刻碑悉出於忠愛憂國之餘令人惻然感悟也但魚商之時名臣盈朝故其所言悉行石工之時權姦縱政故其言終不達亦可以見時世幸與不幸也哉 ○十一月群臣相議迎立


皇大弟良仁親王是為後西院天皇

柳田華岳生書



國史略二編卷之五 大尾

國史略跋



史不可以不文也。不文則不足以傳後代也。史不可以不直也。不直則不足以戒世垂訓也。我邦中古以上尚矣。即慶元以還。史之可以詳世道之沿革。考國運之隆替者。亦層見疊出。不遑枚舉也。然其為書。或隱諱而不直焉。或冗雜而不文焉。求其能直且文者。蓋亡幾矣。吾

師三溪菊池先生。間嘗編纂一書。上自後陽成天皇。下至後光明天皇。上下百餘年間事蹟。凡收之五卷。題曰國史略二編。世道之沿革。國運之隆替。皆條緒明晰。瞭如指掌。間附以論斷。其叙事則雅潔而不冗雜。其書法則明確而不隱諱。文之與直。蓋兩相得者矣。然則其足以戒世垂訓。而傳後代者。固不待言焉。

雖然先生非絕筆於此。將以嗣纂及近今也。則欲窺其全豹者。姑付之他日可也。彥久受先生之提命。及今斯書成。復徵以後跋。彥不敏。不能以發先生述作之大旨。姑以管見書其後。併以就正焉云爾。

明治十年丁丑十月

村上彥謹識



菊谷保敏書

Vertical columns of faint text, likely bleed-through from the reverse side of the page.



明治十年十二月十二日出版版權御願  
同 年十二月廿四日版權免許  
同 十一年二月刻成發兌

京都府平民

編輯者

菊池 純

上京第廿九區間ノ町御池上九高田町  
四百九十九番地

京都府平民

出版人

藤井孫兵衛

上京第三十區御幸町御池下八文字町  
五百四番地



正古...  
上京...

出願入

新井...

海...

...

同 十一季之民...

同 季十二月廿四日...

同 照得十季十二月十二日...



Handwritten marks or characters at the bottom right.

